

柳田文庫
文庫11
D 1
2



文庫 11
D /
2

010190547545



逸周書卷第六

晉 孔 晁 注

周月解第五十一

時訓解第五十二

月令解第五十三

諡法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于黃泉

陰降慘于萬物

舊脫降字據通鑑前編補

是月斗柄建子始昏北指陽

氣虧草木萌蕩

前編作不萌蕩

日月俱起于牽牛之初右回而行

月周天進一次而與日合宿

進舊作起從沈改

日行月一次而周

天歷舍于十有二辰終則復始是謂日月權輿周正歲首

舊作道沈改

數起于時一而成于十次一為首其義則然凡四

時成歲有春夏秋冬各有孟仲季以名十有二月中氣以
著時應春三月中氣御覽所引春三下無驚蟄春分清明
舊作雨水春分穀雨夏三月中氣小滿夏至大暑秋三月
非古法也說見下篇中氣處暑秋分霜降冬三月中氣小雪冬至大寒閏無中
氣斗指兩辰之間萬物春生夏長秋收冬藏天地之正四
時之極不易之道夏數得天百王所同其在商湯用師于
夏除民之災順天革命改正朔變服殊號一文一質示不
相沿以建丑之月為正易民之視本亦若天時大變亦一
代之事亦越我周王致伐于商改正異械以垂三統至于
敬授民時巡狩祭享猶自夏焉前編祭是謂周月以紀于
政

時訓解第五十二

立春之日東風解凍又五日蟄蟲始振又五日魚上冰風

不解凍號令不行蟄蟲不振陰奸陽魚不上冰甲冑私藏
驚蟄之日獺祭魚又五日鴻鴈來又五日草木萌動獺不
祭魚國多盜賊鴻鴈不來遠人不服草木不萌動果蔬不
熟雨水之日桃始華又五日倉庚鳴又五日鷹化為鳩桃
不始華是謂陽否倉庚不鳴臣不口主鷹不化鳩寇戎數
起古雨水在驚蟄後前漢未始易之後人遂以習見妄改
古書此舊本亦以雨水在前驚蟄在後非也今從沈正
之下穀雨清明亦然御覽作桃始不華是謂春分之日
否塞又云倉庫災倉庚不鳴即下不從上謂鳥至又五日雷乃發聲又五日始電
鳥不至婦人不娠
雷不發聲諸侯失民不始電君無威震娠字舊闕從御覽
後漢書補御覽又作電若不穀雨之日桐始華又五日田
見即國無威振振與震同鼠化為鴽又五日虹始見桐不華歲有大寒田鼠不化鴽
國多貪殘虹不見婦人苞亂御覽作清明之日萍始生又
五日鳴鳩拂其羽又五日戴勝降于桑萍不生陰氣憤盈

鳴鳩不拂其羽國不治兵戴勝不降于桑政教不中御覽作平

立夏之日螻蛄鳴又五日蚯蚓出又五日王瓜生螻蛄不雙奪

鳴水潦淫漫蚯蚓不出雙奪奪后王瓜不生困于百姓御覽作臣奪后

命又困作害小滿之日苦菜秀又五日靡草死又五日小

暑至苦菜不秀賢人潛伏靡草不死國縱盜賊小暑不至

是謂陰慝御覽賢作仁不死作未死縱作從慝作匿芒種之日螳螂生又五日

鷓始鳴又五日反舌無聲螳螂不生是謂陰息鷓始鳴

令姦壅偪反舌有聲佞人在側夏至之日鹿角解又五日

蝸始鳴又五日半夏生鹿角不解兵革不息蝸不鳴貴臣

放逸半夏不生民多厲疾小暑之日溫風至又五日蟋蟀

居辟又五日鷹乃學習溫風不至國無寬敎蟋蟀不居辟

急迫之暴鷹不學習不備戎盜御覽作溫風不至即時無緩蟋蟀不居壁即恆急之

暴鷹不學習即寇去不備大暑之日腐草化為螢又五日土潤溽暑又

五日大雨時行腐草不化為螢穀實鮮落土潤不溽暑物

不應罰大雨不時行國無恩澤御覽作土潤不溽暑即急應之罰大雨不時行即恩

不及下凡句立秋之日涼風至又五日白露降又五日寒

蟬鳴涼風不至國無嚴政白露不降民多邪病寒蟬不鳴

人皆力爭國字舊本無從御覽增又邪作疾又人皆作人臣藝文類聚邪作欬處暑之日鷹

乃祭鳥又五日天地始肅又五日禾乃登鷹不祭鳥師旅

無功天地不肅君臣乃口農不登穀暖氣為災御覽作凶白露

之日鴻鴈來又五日雀鳥歸又五日羣鳥養羞鴻鴈不來

遠人背畔雀鳥不歸室家離散羣鳥不養羞下臣驕慢御覽

皆背作秋分之日雷始收聲又五日蟄蟲培戶又五日水始

涸雷不始收聲諸侯淫佚蟄蟲不培戶民靡有賴水不始

涸甲蟲為害御覽培作閉下同又佚作汰或洪字之譌民字舊作空園從御覽補御覽別見一段云雷

乃收聲不收聲即人民不安又云諸侯驕逸蟄蟲培戶不

培戶即邊方不寧又云人靡有賴水始涸不始涸即人多

疾病又云介蟲為害惠云此當是古本 寒露之日鴻鴈來賓又五日爵入大水化為蛤又五日菊有黃華鴻鴈不來小民不服爵不入大水失時之極菊無黃華土不稼穡霜降之日豺乃祭獸又五日草木黃落又五日蟄蟲咸俯豺不祭獸爪牙不具草木不黃落是為愆陽蟄蟲不咸俯民多流亡御覽俯立 冬之日水始冰又五日地始凍又五日雉入大水為蜃水不冰是謂陰負地不始凍咎徵之咎雉不入大水國多淫婦謂舊作伏從御覽改又載一段云立冬十月節水始冰若不冰即陰之有負地始凍若不凍即災咎之徵野雞化為蜃若不為蜃即時多姪婦文昭案此惠氏所疑為古本者也然避民字雉字當出唐人所更定 小雪之日虹藏不見又五日天氣上騰地氣下降又五日閉塞而成冬虹不藏婦不專一天氣不上騰地氣不下降君臣相嫉不閉塞而成冬母后淫佚大雪之日鳴鳥不鳴又五日虎始交又五日荔挺生鳴鳥猶鳴國有訛言虎不始交將

帥不和荔挺不生卿士專權鳴鳥鵲鳴也或作鵲鳴禮記坊記作蓋且夜鳴求且之鳥也御覽鳴作鵲亦可通本或作鵲或作鵲皆誤猶鳴六字及將帥四字舊闕今從御覽補又荔挺不生御覽作不出惠云康成以荔挺連讀顏之推譏之不知周書已如是 冬至之日蚯蚓結又五日麋角解又五日水泉動蚯蚓不結君政不行麋角不解兵甲不藏水泉不動陰不承陽小寒之日鴈北向又五日鵲始巢又五日雉始鳴鴈不北向民不懷主鵲始巢國不窳雉不始雉國大水御覽載小寒十二月節鴈北鄉鴈不北鄉即臣不懷忠鵲始巢鵲不巢即邊方不窳又曰一國不窳野雉始雉野雉不雉國乃大水 大寒之日雞始乳又五日鷺鳥厲疾又五日水澤腹堅雞不始乳淫女亂男鷺鳥不厲國不除兵水澤不腹堅言乃不從宋本無疾字案下但云鷺鳥字宋本是也御覽載大寒十二月中雞始乳雞不乳即姪婦亂男鷺鳥厲疾鳥不厲疾即國不除姪水澤腹堅不腹堅即言無所從

月令解第五十三闕文昭案蔡邕明堂月令論云月令篇名因天時制人事天子發號施令祀神

受職每月異禮故謂之月令所以順陰陽奉四時效氣物
行王政也成法具備各從時月藏之明堂所以示承祖考
神明明不敢泄禮之義故以明堂冠月令以名其篇戴禮
夏小正則夏之月令也殷人無文及周而備文義所說博
衍深遠宜周公之所著也官號職司與周官合周書七十
二篇而月令第五十三秦相呂不韋著書取月令為紀號
淮南王安亦取以為第四篇改名曰時則故偏見之徒或
云月令呂不韋作或曰淮南皆非也又案隋書牛宏傳云
今明堂月令者鄭康成云是呂不韋著春秋十二紀之首
章禮家鈔合為記蔡邕王肅云周公所作周書內有月令
第五十三即此也案宏以今禮記中之月令即是在周書
內者故云即此與蔡邕說相符合邕以淮南時則在第四
篇今卻在第五篇其文與呂氏微異邕作月令問答所云
云者皆在呂氏不在淮南既蔡邕牛宏有斯二證故今即
依呂氏十二紀首鈔出以補斯闕又宏傳云堂方一百四
十四尺屋圓楣徑二百一十六尺太室方六丈通天屋徑
九丈八闔二十八柱堂高三尺四向五色依周書月令
論案明堂之制太平御覽引周書明堂疑不在此篇中
孟春之月日在營室昏參中且尾中其日甲乙其帝太皞
其神句芒其蟲鱗其音角律中太蔟其數八其味酸其臭
羶其祀戶祭先脾東風解凍蟄蟲始振魚上冰獺祭魚候
鴈北記作鴈天子居青陽左个乘鸞輅駕蒼龍載青旂衣

青衣服青玉記作倉食麥與羊其器疏以達是月也以立
春先立春三日太史謁之天子曰某日立春盛德在木天
子乃齊立春之日天子親率三公九卿諸侯大夫以迎春
于東郊還乃賞公卿諸侯大夫于朝記乃字作反後竝同
公字高誘注云三公至尊坐而論無諸侯二字呂氏無
道不嫌不賞故但言卿諸侯大夫命相布德和令行慶施
惠下及兆民慶賜遂行無有不當迺命太史守典奉法司
天日月星辰之行宿離不忒記作貸音無失經紀以初為
常是月也天子乃以元日祈穀于上帝乃擇元辰天子親
載耒耜措之參于保介之御間參于率三公九卿諸侯大
夫躬耕帝籍田記無田字案呂氏天子三推三公五推卿
諸侯大夫九推記無反執爵于太寢三公九卿諸侯大夫
皆御命日勞酒是月也天氣下降地氣上騰天地和同草
木繁動記作王布農事命田舍東郊皆脩封疆審端經術

善相丘陵阪險原隰土地所宜五穀所殖以教道民必躬親之田事既飭先定準直農乃不惑是月也命樂正入學習舞乃脩祭典命祀山林川澤犧牲無用牝禁止伐木無覆巢無殺孩蟲胎大飛鳥無麇無卵無聚大眾無置城郭揜骼霾髑記作埋髑音義並同是月也不可以稱兵稱兵必有天殃兵戎不起不可以從我始記無以字無變天之道無絕地之理無亂人之紀孟春行夏令則風雨不時草木旱槁國乃有恐記風雨作雨水旱槁作蚤落乃作時行秋令則民大疫疾風暴雨數至藜莠蓬蒿並興記民上有其字疾風作疾風數至作總至行冬令則水潦為敗霜雪大摯首種不入霜雪記倒仲春之月日在奎昏弧中且建星中其日甲乙其帝太皞其神句芒其蟲鱗其音角律中夾鍾其數八其味酸其臭羶其祀戶祭先脾始雨水桃李華記作桃始華蒼庚鳴鷹化為

鳩天子居青陽太廟乘鸞輅駕蒼龍載青旂衣青衣服青玉食麥與羊其器疏以達是月也安萌牙養幼少存諸孤擇元日命民社命有司省囹圄去桎梏無肆掠止獄訟是月也夕鳥至至之日以太牢祀于高禴記祀作祠天子親往后妃率九嬪御乃禮天子所御帶以弓鞬授以弓矢于高禴之前是月也日夜分雷乃發聲始電蟄蟲咸動啟戶始出呂氏啟戶作開戶今凡字為漢唐人避諱改易者俱從禮記為正先雷三日奮鐸以令于兆民曰雷且發聲奮鐸記作奮木鐸無于字又且作將有不戒其容止者生子不備必有凶災日夜分則同度量鈞衡石角斗桶記作甬同正權槩是月也耕者少舍乃脩闔扇寢廟必備記作畢備必畢古通用無作大事以妨農功記作以妨農之事是月也無竭川澤無漘陂池無焚山林天子乃獻羔開冰先薦寢廟獻記作鮮上丁命樂正入舞舍采記作習舞釋菜此舍采與釋菜音義並同高誘注呂覽云舍置也初入學官必禮先

師置采帛于前以天子乃率三公九卿諸侯大夫親往視

之呂氏無中丁又命樂正入學習樂是月也祀不用犧牲

用圭璧更皮幣仲春行秋令則其國大水寒氣總至寇戎

來征行冬令則陽氣不勝麥乃不熟民多相掠行夏令則

國乃大旱煥氣早來蟲螟為害

季春之月日在胃昏七星中旦牽牛中其日甲乙其帝太

皞其神句芒其蟲鱗其音角律中姑洗其數八其味酸其

真籜其祀戶祭先脾桐始華田鼠化為鴛虹始見萍始生

天子居青陽右个乘鸞輅駕蒼龍載青旂衣服青玉

食麥與羊其器疏以達是月也天子乃薦鞠衣于先帝命

舟牧覆舟五覆五反乃告舟備具于天子焉天子焉始乘

舟薦鮪于寢廟乃為麥祈實次焉字記無呂氏有高注云

云烏猶是月也生氣方盛陽氣發泄身者畢出萌者盡達

不可以內牙記與淮天子布德行惠命有司發倉窮賜貧

窮振乏絕高注云穿地開府庫出幣帛周天下勉諸侯聘

名士禮賢者是月也命司空日時雨將降下水上騰循行

國邑周視原野脩利隄防導達溝瀆開通道路無有障塞

田獵畢弋罫羅網餒獸之藥無出九門畢弋記是月也

命野虞無伐桑柘鳴鳩拂其羽戴任降于桑記作戴勝淮

具挾曲蒙筐高注云挾讀曰撲三輔謂之撲關東謂之得

昭疑蒙當是簾也青徐謂之曲員底曰蒙方底曰筐文

致誤記作具曲植籩筐淮南作具撲曲筐近后妃齊戒

親東鄉躬躬桑禁婦女無觀省婦使勸蠶事記勸上

登分繭稱絲效功以其郊廟之服無有敢墮是月也命工

師令百工審五庫之量金鐵皮革筋角齒羽箭韃脂膠丹

漆無或不良百工咸理監工日號無悖于時無或作為淫

巧以蕩上心是月之末擇吉日大合樂天子乃率三公九

卿諸侯大夫親往視之是月也乃合纍牛騰馬游牝于牧
纍記作累犧牲駒犢舉書其數命國備九門磔禳以畢春
淮南作標氣呂氏作國人備行之是令而甘雨至三旬淮南亦有此句記無下同
季春行冬令則寒氣時發草木皆肅國有大恐行夏令則
民多疾疫時雨不降山陵不收行秋令則天多沈陰淫雨
早降兵革竝起

孟夏之月日在畢昏翼中且婺女中其日丙丁其帝炎帝
其神祝融其蟲羽其音徵律中仲呂其數七其性禮其事
視此下呂氏有其性禮其事視二句其味苦其臭焦其祀
記無案餘月亦不具當為衍文寵祭先肺螻蝻鳴丘蚓出王瓜生苦菜秀天子居明堂左
个乘朱輅駕赤駟載赤旂衣赤衣服赤玉食菽與雞其器
高以物記作粗音義同是月也以立夏先立夏三日太史謁之天
子曰某日立夏盛德在火天子乃齊立夏之日天子親幸

三公九卿大夫以迎夏于南郊還乃行賞封侯慶賜無不

欣說封侯慶賜記作封乃命樂師習合禮樂命司馬贊傑

雋遂賢良舉長大司馬呂氏春秋作太尉記亦因之世多

案戴埴鼠璞云太尉固秦官故疑月令不出于周公今

太史樂正樂師澤人虞人四監之類皆周官也不韋不遇

改周司馬為太尉耳蓋贊傑俊遂賢良與行爵出祿雖非

太尉之職而設儀辨位進賢與功制畿內封則大司馬之

任也云云今據此改太尉行爵出祿必當其位是月也繼

為司馬以復周公之舊長增高無有壞墮無起土功無發大眾無伐大樹是月也

天子始緡命野虞出行田原勞農勸民無或失時勞農上

二字命司徒循行縣鄙命農勉作無伏于都伏記是月也

驅獸無害五穀無大田獵農乃升麥記作登麥登升一也

下有升獻二字案升獻是小注誤作大書據天子乃以彘

嘗麥先薦寢廟是月也聚蓄百藥靡草死靡呂麥秋至斷

薄刑決小罪出輕繫蠶事既畢后妃獻繭乃收繭稅以桑

為均貴賤少長如一以給郊廟之祭服是月也天子飲酎
 用禮樂行之是令而甘雨至三旬孟夏行秋令則苦雨數
 來五穀不滋四鄙入保行冬令則草木早枯後乃大水敗
 其城郭行春令則蟲蝗為敗暴風來格秀草不實記作蝗
 仲夏之月日在東井昏亢中且危中其日丙丁其帝炎帝
 其神祝融其蟲羽其音徵律中蕤賓其數七其味苦其臭
 焦其祀竈祭先肺小暑至螳蜋生鷓始鳴反舌無聲天子
 居明堂太廟乘朱輅駕赤駟載赤旂衣赤衣服赤玉食菽
 與雞其器高以煇養壯狡記作壯狡音義同詩狡童
 也命樂師脩鞀鞀鼓均琴瑟管簫執干戚戈羽調竽笙壎
 篪飭鍾磬祝壎篪記命有司為民祈祀山川百原大雩
 帝用盛樂乃命百縣雩祭記無祀百辟卿士有益于民者
 以祈穀實是月也農乃登黍天子以雛嘗黍呂氏是月
在農乃登黍

之下誤今羞以谷桃先薦寢廟令民無刈藍以染無燒炭

從戴記燒灰無暴布門閤無閉關市無索挺重囚益其食游牝別

其羣則繫騰駒班馬正高云馬正掌馬之是月也日長至

陰陽爭死生分君子齊戒處必掉身欲靜無躁止聲色無

或進薄滋味無致和退嗜慾定心志欲靜二字記無又百

官靜事無刑以定晏陰之所成鹿角解蟬始鳴半夏生木

董榮是月也無用火南方可以居高明可以遠眺望可以

登山陵可以處臺榭仲夏行冬令則雹霰傷穀道路不通

暴兵來至行春令則五穀晚熟百騰時起其國乃饑行秋

令則草木零落果實早成民殃于疫

季夏之月日在柳昏心中記作昏旦奎中其日丙丁其帝

炎帝其神祝融其蟲羽其音徵律中林鍾其數七其味苦

其臭焦其祀竈祭先肺涼風始至蟋蟀居宇鷹乃學習腐

草化為螢蚘涼風記作溫風又居字作居壁又腐草為螢
幽州謂之秦渠一日螢火也案淮南無螢字觀注文疑此
螢字亦後人所增入說文引明堂月令曰腐蚘為蠲蠲即
蚘天子居明堂右个乘朱輅駕赤駟載赤旂衣朱衣服赤
玉食菽與雞其器高以斝是月也命漁師伐蛟取鼉升龜
取鼃呂氏命作令今從乃命虞人入材葦虞人記是月也
命四監大夫合百縣之秩芻以養犧牲記無夫字令民無不咸
出其力以供皇天上帝名山大川四方之神以祀宗廟社
稷之靈為民祈福記祀作祠又為是月也命婦官染采黼
黻文章必以法故無或差忒黑黃蒼赤莫不質良勿敢偽
詐記作母以給郊廟祭祀之服以為旗章以別貴賤等級
之度是月也樹木方盛乃命虞人入山行木無或斬伐或
作有古通用不可以興土功不可以合諸侯不可以起兵動眾
無舉大事以搖蕩于氣記作以無發令而干時以妨神農

之事干時二字水潦盛昌命神農將巡功舉大事則有天

殃記無命字高氏注神農能殖嘉是月也土潤溽暑大雨

時行燒薶行水利以殺草如以熱湯可以糞田疇可以美

土疆行之是令是月甘雨三至三旬二日記無此三句高

陰晦朔日也月十日一雨又二十日一注此云二日者

雨一月中得二日且故日三旬二日一季夏行春令則穀

實解落國多風欬民乃遷徙解記行秋令則土隰水潦禾

稼不熟乃多女災行冬令則寒氣不時鷹隼早鷺四鄙入

保寒氣記作風寒

中央土其日戊己其帝黃帝其神后土其蟲倮其音宮律

中黃鍾之宮其數五其味甘其臭香其祀中霤祭先心天

子居太廟太室乘大輅駕黃駟載黃旂衣黃衣服黃玉食

稷與牛其氣圜以揜記揜作閭

孟秋之月日在翼昏斗中旦畢中呂氏孟秋之月下有長

日至四旬六日又此句

下有則立秋今皆依戴記去之斗中記作建星中其日庚辛其帝少皞其神蓐收其蟲毛其音商律中夷則其數九其味辛其臭腥其祀門祭先肝涼風至白露降寒蟬鳴鷹乃祭鳥始用行戮始用記倒天子居總章左个乘戎路駕白駱載白旂衣白衣服白玉食麻與犬其器廉以深是月也以立秋先立秋三日太史謁之天子曰某日立秋盛德在金天子乃齊立秋之日天子親率三公九卿諸侯大夫以迎秋于西郊還乃賞軍率武人于朝天子乃命將帥選士厲兵簡練桀雋專任有功以征不義詰誅暴慢以明好惡巡彼遠方巡記是月也命作順有司脩法制繕圖器具桎梏禁止姦慎罪邪務搏執命理瞻傷察創視折審斷高氏於此句決獄訟必正平記作端平戮有罪嚴斷刑天地始肅不可以羸是月也農乃升穀天子嘗新先薦寢廟命百官始收斂完隄防謹壅塞以備水潦脩宮

室垣牆垣補城郭

高云垣讀如符猶培也記作坏垣牆

是月也無以封諸侯

立大官無割土地行重幣出大使

封諸侯呂氏淮南皆無諸字今從記記作毋以

呂氏淮南下二句亦同行之是令而涼風至三句孟秋

行冬令則陰氣大勝介蟲敗穀戎兵乃來行春令則其國

乃旱陽氣復還五穀不實

復還本或作後還不實記作無實

行夏令則國

多火災寒熱不節民多瘧疾

呂氏脫國字記有

仲秋之月日在角昏牽牛中旦觜雫中

雫記作觜同

其日庚辛

其帝少皞其神蓐收其蟲毛其音商律中南呂其數九其

味辛其臭腥其祀門祭先肝盲風至

呂氏作涼風生案孟秋已云涼風至何得

此月又云涼風生故今從記改

候鴈來兮鳥歸羣鳥養羞天子居總章太

廟乘戎路駕白駱載白旂衣白衣服白玉食麻與犬其器

廉以深是月也養衰老授几杖行糜粥飲食

糜記作廉同

乃命

司服具飭衣裳文繡有恆制有小大度有短長

記作長短衣服

有量必循其故冠帶有常乃命有司呂無申嚴百刑斬殺

必當無或枉撓枉撓不當反受其殃是月也乃命宰祝巡

行犧牲巡記作視全具案芻豢瞻肥瘠察物色必比類量

小大視長短皆中度五者備當上帝其享天子乃儻禦佐

疾以通秋氣高云禦止也佐疾療也以犬嘗麻先祭寢廟

是月也可以築城郭建都邑穿竇窳脩困倉窳記乃命有

司趣民收斂務蓄菜多積聚乃勸種麥若或失時行罪無

疑若或失時本作無或失時記下又云其或失時有此是

月也日夜分雷乃始收聲蟄蟲俯戶記無乃字俯殺氣浸

盛陽氣日衰水始涸日夜分則一度量平權衡正鈞石齊

斗甬一記作同是月也易關市來商旅入貨賄以便民事

四方來雜遠鄉皆至入記作納古內入則財物不匱記無

淮南亦有物上無乏用百事乃遂凡舉事無逆天數凡舉

大事母逆大數必順其時乃因其類乃記行之是令白露降三旬

仲秋行春令則秋雨不降草木生榮國乃有恐呂作有行

夏令則其國乃旱蟄蟲不藏五穀復生呂無行冬令則風

災數起收雷先行草木早死

季秋之月日在房昏虛中且柳中其日庚辛其帝少暎其

神蓐收其蟲毛其音商律中無射其數九其味辛其臭腥

其祀門祭先肝候鴈來賓爵入大水為蛤菊有黃華豺則

祭獸戮禽記候鴈作鴻天子居總章右个乘戎路駕白駱

載白旂衣白衣服白玉食麻與犬其器廉以深是月也申

嚴號令命百官貴賤無不務入以會天地之藏無有宣出

入記作內二字本乃命冢宰農事備收呂無舉五種之要

通用淮南亦作入藏帝籍之收于神倉祇敬必飭是月也霜始降

則百工休乃命有司曰寒氣總至民力不堪其皆入室上

丁命樂正入學習吹命樂正三字記有呂及淮南皆無是月也大饗帝嘗

犧牲告備于天子合諸侯制百縣合呂作命淮南亦作合為來歲受

朔日與諸侯所稅于民輕重之法貢職之數以遠近土地

所宜為度說者以秦十月為正故于季秋即云為來歲受朔日以月令為秦制今案天子頒朔于諸侯事固當豫為之豈有將改歲而始頒朔哉孟冬云乃祈來年季冬云歲且更始雖以周為子正巡狩祭饗猶自夏焉安得遽以為

秦制乎以給郊廟之事無有所私是月也天子乃教于

田獵以習五戎獲馬記作頒命僕及七騶咸駕載於旒

云七當為六周官天子馬六種種別有騶故知六騶左傳亦言六騶無言七者殆記作旌同與受車以

級整設于屏外高云與眾也案記無此字受作授淮南同司徒摺扑北嚮以誓

之嚮記作面無以字淮南作北嚮以贊之天子乃厲服厲飾執弓操矢以射

記無厲服二字又操作挾射作獵淮南作厲服廣飾命主祠祭禽于四方是月也草

木黃落乃伐薪為炭蟄蟲咸俯在穴皆墜其戶穴記乃趣獄刑無雷有罪收祿秩之不當者其養之不宜者上者字記及淮

南比皆無是月也天子乃以犬嘗稻先薦寢廟季秋行夏令則

其國大水冬藏殃敗民多勲室室記作噍行冬令則國多盜賊

邊境不寧土地分裂行春令則暖風來至民氣解墮師旅

必興墮記作惰淮南作墮同師旅必興必興淮南同記作師興不居

孟冬之月日在尾昏危中旦七星中其日壬癸其帝顓頊

其神彗冥其蟲介其音羽律中應鍾其數六其味鹹其臭

朽其祀行祭先腎水始水地始凍雉入大水為蜃虹藏不

見天子居彗堂左个乘彗輅駕鐵驪載系旂衣黑衣服彗

玉食黍與彘其器宏以弁記作閎以奄音義同是月也以立冬先立

冬三日太史謁之天子日某日立冬盛德在水天子乃齊

立冬之日天子親率三公九卿大夫以迎冬于北郊還乃

賞死事恤孤寡是月也命太卜禱祠龜策占兆審封吉凶

記作命太史豐龜策云淮南作命太卜禱祠龜策占兆以察吉凶于是察阿上亂法

者則罪之無有揜蔽記作是察阿黨則罪無有掩蔽意亦略同疑此為呂氏增入淮南無此文

是月也天子始裘命有司曰天氣上騰地氣下降天地不

通閉塞而成冬呂氏無塞字記有命百官謹蓋藏命司徒

循行積聚無有不斂附記城郭作坏戒門閭脩鍵閉慎關籥

固封璽鍵記作鍵又關備邊境完要塞謹關梁塞蹊徑蹊

後飭喪紀辨衣裳審棺槨之厚薄營丘壟之小大高卑薄

厚之度貴賤之等級營記作瑩又小是月也工師效功工

師上有命字陳祭器案度程無或作為淫巧以蕩上心必

功致為上物勒工名以考其誠工有不當必行其罪以窮

其情次工字是月也大飲蒸天子乃祈來年于天宗大割

祠于公社及門閭饗先祖五祀勞農夫以休息之大割下

牲字係衍文高注云大割殺牲也則本無牲字可知記亦

同饗先祖本或作饗禱祖譌高注云先祠公社乃及門閭

先祖先公後私之義也記作天子乃命將率講武肄射御

角力肄記是月也乃命水虞漁師收水泉池澤之賦無或

敢侵削眾庶兆民以為天子取怨于下其有若此者行罪

無赦孟冬行春令則凍閉不密地氣發泄民多流亡發泄

泄行夏令則國多暴風方冬不寒蟄蟲復出行秋令則雪

霜不時小兵時起土地侵削

仲冬之月日在斗昏東壁中且軫中其日壬癸其帝顛頊

其神弇冥其蟲介其音羽律中黃鍾其數六其味鹹其臭

朽其祀行祭先腎冰益壯地始圻鶡鳴不鳴虎始交天子

居冬堂太廟乘冬輅駕鐵驪載冬旂衣黑衣服冬玉食黍

與彘其器宏以弇飭死事呂氏脫此三字命有司曰土事無

作無發蓋藏無起大眾以固而閉發蓋藏起大眾地氣且

泄是謂發天地之房土事無作下記作慎母發蓋母發室

起大眾六字諸蟄則死民多疾疫多記又隨以喪命之日

暢月是月也命閭尹申宮令審門閭謹房室必重閉蔡邕云閭

當作閭閭尹內官宮中之門日閭省婦事無得淫雖有貴

戚近習無有不察察記乃命大酋秬稻必齊麩藁必時湛

饔必潔饔記水泉必香陶氣必良火齊必得兼用六物大

酋監之無有差忒天子乃命有司祈祀四海大川名原淵

澤井泉記無乃字呂是月也農有不收藏積聚者牛馬畜

獸有放佚者取之不詰山林藪澤有能取疏食田獵禽獸

者野虞教導之其有相寢奪者罪之不赦相字呂無記是

月也日短至陰陽爭諸生蕩君子齊戒處必弇記作處身

欲寔去聲色禁嗜慾安形性事欲靜以待陰陽之所定芸

始生荔挺出蚯蚓結麋角解水泉動日短至則伐林木取

竹箭記無林字淮是月也可以罷官之無事者去器之無

用者記無上塗闕庭門閭庭記築囹圄此所以助天地之

閉藏也記無仲冬行夏令則其國乃旱氛霧冥冥雷乃發

聲氣呂作行秋令則天時雨汁瓜瓠不成國有大兵行春

令則蟲螟為敗水泉減竭民多疾癘蟲螟記作蝗蟲又滅

作疥季冬之月日在婺女昏婁中旦氏中其日壬癸其帝顓頊

其神彗冥其蟲介其音羽律中大呂其數六其味鹹其臭

朽其祀行祭先賢鴻北鄉鵲始巢雉雊雞乳本作乳雉雊

知呂與天子居彗堂右个乘彗輅駕鐵驪載彗旂衣黑衣

服彗玉食黍與彘其器宏以弇命有司大儻旁磔出土牛

以送寒氣征鳥厲疾乃舉行山川之祀及帝之大臣天地

之神祇行字地是月也命漁師始漁天子親往乃嘗魚先

薦寢廟冰方盛水澤腹堅呂作水澤復無堅字高云復亦

訓解作腹堅命取冰冰已入記作冰令告民出五種命司

農計耦耕事脩耒耜具田器記作命農無司字命樂師大合吹而罷乃命四監收秩薪柴以供寢廟及百祀之薪燎寢廟記作郊廟是月也日窮于次月窮于紀星迴于天數將幾終歲將更始專于農民無有所使歲將記作歲且又專于作專而天子乃與公卿大夫節國典論時令以待來歲之宜呂脫公字記與淮南皆有乃命太史次諸侯之列賦之犧牲以供皇天上帝社稷之享乃命同姓之邦供寢廟之芻豢命宰歷卿大夫至于庶民土田之數而賦之犧牲以供山林名川之祀凡在天下九州之民者無不咸獻其力以供皇天上帝社稷寢廟山林名川之祀行之是令此謂一終三旬二日季冬行秋令則白露蚤降介蟲為妖四鄰人保記作行春令則胎夫多傷國多固疾命之日逆行夏令則水潦敗國時雪不降冰凍消釋

謚法解第五十四

維周公旦太公望開嗣王業建功于牧之野終將葬乃制謚遂敘謚法舊本作攻于牧野之中終葬乃制謚敘法今依史正義及通鑑前編改正正義牧野無之字脫耳案王伯厚因學紀聞云周書謚法惟三月既生魄周公旦太師望相嗣王發既賦憲受臚于牧之野將葬乃制作謚劉彥和雕龍哀弔篇其首云賦憲之謚蓋本此今所傳周書與六家謚法所載不同蓋今本缺謚者行之迹也號者功之表也車服者位之章也注古者有大功則賜之善號以為稱也舊車服下脫者字今案魏書甄琛傳所引及正義前編皆有今補入注脫賜之二字又稱作福今皆從正義陳云福義亦通如惟辟作福之福或疑是副字亦可備一說是以大行受大名細行受細名行出于己名生于人注名謂號謚民無能名日神注不名壹善舊作一人無名日神謚今依史正義改正下不盡出

稱善賦簡日聖注所稱得人所善得實所賦得簡正義稱編注賦一作副文昭案舊本作稱善口間日聖缺處疑是無字所謂禹吾無閒然方與聖相稱此注本難通敬賓厚禮日聖注聖于禮也注厚非正義德象天地日帝注同于天地注天地正注靜民則法日皇注靜安正義靜作靖注同二字本通論

衡獨斷皇竝作黃案黃帝仁義所在日王注民往歸之注在

亦作皇帝二字亦本通注能行四者從之成羣日君注民從

往非賞慶刑威日君注舊以此注接王字下脫去注及正文共二十字今據

之內皆見之賞慶刑立制及眾日公注志無私也執應人方

威日君亦其一也注日侯注所執行八方應之也壹德不解日簡注壹不委曲

案左氏昭廿二年正平易不疵日簡注疵多病也注疵正義

義作壹意不解日簡注云不信嘗毀案此注多字衍不信二字亦有譌又案諡有

美有平有惡此簡字不優于文而列于文之前蓋篇中錯

簡多矣史記正義本兩排首排盡然後及次排如後漢

書馬武傳後所云臺諸將亦是兩重排列上一重首鄧

禹次吳漢賈復下一重首馬成次王梁陳俊蓋古法也後

人不知改兩排為一排而以上一下為次正義與後漢

書皆同此錯然正義中間又有為後人所紛亂及脫漏者

故今亦不能攷之以復其舊此簡字在恭欽定襄之前則

固灼然經緯天地日注成其道也道德博聞日注無

不知之注舊本作博厚前學勤好問日注不恥下問注學勤

同前編注慈惠愛民日注惠以成政也注今從正義改注愍民

作勤學注惠而有禮注舊作以錫民爵位日注舉可舉

也注正義作與同升也謝云注不恥下問與同注剛疆理直日

武注剛無欲疆不撓理忠恕直無曲也注北史于忠傳改正

義撓作屈下云懷忠恕正曲直文雖譌而理在直字注威疆

上亦可證白虎通引禮記諡法云強理勁直日武注威疆

叡德日武注思有德者叡也注正義叡作敵注云克定禍亂

日武注以兵征故能定注正義征刑民克服日武注法以正

民能使服注以字從注增夸志多窮日武注大志行兵多所窮極

夸舊作大今從正義注極字舊作也今從正義前編敬事供上日恭注供奉也尊賢

貴義日恭注尊事賢人寵貴義士尊賢敬讓日恭注敬有

德讓有功既過能改日恭注言自知也注舊譌言有智也注執事堅固

日恭注守正不移愛民長弟日恭注順長接弟注舊作安民

改前編作愛人悌長注接注執禮御賓日恭注御

本一作按疑二字俱誤注御注亦釋御字也注芑親之闕日恭注脩德以蓋之也尊

御注亦釋御字也注芑親之闕日恭注脩德以蓋之也尊

賢讓善曰恭注不專己善推于人也淵源流通曰恭注性

無所忌也案正義以文武成康穆昭為次其淵源流通日

康為恭非本文也又書正義引作淵源流通日禹案獨斷

有堯舜禹湯之謚史正義僅有除殘去虐日湯一謚而此

謂禹湯皆不在謚法中故今亦闕之說照臨四方日明注以

明照之譖訴不行日明注逆知之故不行威儀悉備日欽

威則可畏儀則可象馬融引此悉大慮靜民日定注思

樹惠也靜民前編安民大慮日定注以慮安民安民法古

日定注不失舊意也純行不二日定注行壹不傷正義不

爽諫爭不威日德注不以威拒諫也諫爭舊作謀慮譎正

德注云安民以辟地有德日襄注取之以義甲冑有勞日

襄注言亟征伐有伐而還日釐注知難而退正義前編

淵受諫日釐注深故能受正義有小心畏忌日釐釐作儗

博聞多能日憲注雖多能不至大道憲舊作獻案正義博

二謚之後不與獻謚相比近聰明叡哲日獻注有通知之

故今定為憲前編亦作博文聰也正義又有知質有聖日

聰也獻注云有所通而無蔽溫柔聖善日懿注性純淑也

正義作賢善獨斷前編皆作聖善五宗安之日孝注五世之宗也慈惠愛

親日孝注言周愛親族也孝舊作釐與釐謚一類正義作

之上案慈惠愛親于孝義為允于釐義大闕故定從正義

移此魏書甄琛傳云慈惠愛民日孝北史避唐諱改民為

人注親族協時肇享日孝注協合肇始也常如始秉德不

正義倒注順于德而不違違舊大慮行節日考注言成其

節考舊譌作孝案正義此句在威祈二字之後不與孝謚

此連文而今本亦作孝此傳寫之誤也公羊隱元年疏引

與注合故定從之執心克莊日齊注能自嚴也資輔供就

日齊注有所輔而共成也供就正義作就其係誤倒又注

令豐年好樂日康注好豐年勤民事豐舊作溫正義作溫

今依安樂撫民日康注無四方之虞令民安樂日康注富

而教之正義令安民立政日成注政以安之正義之布德

執義日穆注穆純也正義作故中情見貌日穆注性公露

也敏以敬順日頃注疾于所敬順也正義順作慎注同二

作無所不敬順也非案左氏昭八年昭德有勞日昭注能

正義有祗勤追懼日頃不見此書

勞謙也昭德前編作明德容儀恭美日昭注有儀可象行

恭可美舊本誤昭為勝脫此條在後圍宣二諡之上今案

勝諡一條則削之左氏釋文及聖聞周達日昭注聖聞通

正義並引作威儀恭明日昭

洽也聞舊作文譏注洽舊譌治正義保民耆艾日胡注六

十日耆七十日艾彌年壽考日胡注大其年也胡訓大也

非也疆毅果敢日剛注疆于仁義致果日毅今正義本脫

謚相連接可追補前過日剛注勤善以補過也勤舊柔德

見其本有也

考眾日靜注成眾使安也考正義作安非靜作靖本通用

日靖是相傳恭已鮮言日靜恭已正身少言而中恭舊

本不同也亦作供寬樂令終日靜注性寬樂義以善自終治而無

眚日平注無失闕之病也無眚舊作清省非正執事有制

日平注不任意也有法度檢制故日不任布綱治紀日平

注施之政事案左氏昭廿二由義而濟日景注用義而成

也布義行剛日景注以剛行義也耆意大慮日景注耆強

也舊脫此條正義前編皆有前編云耆如耆定爾清白守

節日貞注行清白執志固也獨斷守節大慮克就日貞注

能大慮非正而何舊作非正不隱無屈日貞注坦然無私

也屈舊作克前編猛以剛果日威注猛則少寬果敢行也

也舊作私今從正義猛以疆果日威注疆甚于剛

也徐因下注而譌今從正義改信正言無邪也正義作疆

也亦字衍疆毅信正日威注信正言無邪也正義作疆

耶作私又案正義有治典不殺日祁注云秉常不衰此脫

去祁獨斷作祈一作震左氏莊六年正義引經典不易日

祁辟土服遠日桓注以武正定克敬勤民日桓注敬以使

之勤民正義作動辟土兼國日桓兼人故啟土也舊本

注繫辟土服遠日桓之下脫道德純一日思道大而德

去兩條今攷正義及前編補大親民而不殺大省舊作

一也馬融引作純備言求善也追悔前過日思思而

前編外內思索日思知其性也愛民好與日惠與

能改也柔質慈民日惠謂施也舊本脫此兩條今從正義前編補此柔質受諫日

謂施也條又見獨斷魏書源懷傳亦引之柔質受諫日

慧以虛受人然與惠諡連文則易混矣案正義上惠諡

兩條在敬肅之上此慧諡在質良之上本不附近前編始

合置一處蓋由誤認慧即惠也注又不知何人妄竄今悉

依正義改正受能思辯眾日元別之使各有次也行義

諫正義作愛諫說民日元民說其義始建國都日元非善之長何以

始之左氏昭十年主義行德日元以義為主行德政也

兵甲亟作日莊以數征為嚴叡圍克服日莊通邊圍

使能服也勝敵志強日莊不撓故勝舊本脫此條正義

作克亂正死于原野日莊非嚴何以死難屢征殺伐日

莊以嚴釐之前編作屢武而不遂日莊武功不成克

殺秉政日夷秉政不任賢也正義政作正注安心好靜

日夷不爽正也左氏僖廿八年正義引作安民執義揚

善日懷稱人之善慈仁短折日懷短末六十折未三

十夙夜警戒日敬敬身思戒思戒正義夙夜恭事日敬

敬以莅事也象方益平日敬法之以常而加敬也正

脫此條故兩烈諡相連不隔知是傳善合法典日敬非

寫者誤脫耳注舊諡今從何允中本述義不克

敬何以善之善合舊例今從前編法典史正義述義不克

日丁不能成義迷而不悌日丁不悌不遜順也迷舊

今從前編正有功安民日烈以武立功秉德遵業日烈

翼遵世業不墮改剛克為伐日翼伐功也思慮深遠日

翼好遠思任能也正義注作小心剛德克就日肅成

其敬使為終舊作成其不執心決斷日肅言嚴果也愛

民好治日戴注好民治也典禮不寒日戴注無過憲正義

編作煥音義並同死而志成日靈注立志不吝命也亂而

不損日靈注不能以治損亂注從極知鬼神日靈注其智

能聰徹也不勤成名日靈注任本性不見賢思齊死見神

能日靈注有鬼不為厲神舊作鬼前編好祭鬼神日靈注

瀆鬼神不敬遠也神正義短折不成日殤注有知而夫殤

也未家短折日殤注未家者未室家也正義殤作傷不與

也未娶不顯尸國日隱注以閭主國也左傳釋文作隱拂不

成日隱注言其隱拂改其性也春秋傳隱拂同前編作隱

性獨斷又作違拂正義有見美堅年中早夭日悼注年不

稱志前編年中倒肆行勞祀日悼放心勞于淫祀言不

脩德也案穀梁定元年疏引作肆行勞恐懼從處日悼注

從處言險圯也不思忘愛日刺注忘其愛已者也復假遂

過日刺注去諫日復反是日假外內從亂日荒注官不治

家不理前編從好樂怠政日荒注淫于聲色怠于政事師

古引此在國逢難日愍注逢兵寇之事也正義作使民折

傷日愍注苛政賊害折正義前在國連憂日愍注仍多大

喪正義前編連作遭禍亂方作日愍注國無政動長亂編

非注仍正釋連字蚤孤短折日哀注早者未知人事恭仁短折日哀注

體恭質仁功未施也蚤孤鋪位日幽注鋪位即位而卒也

鋪舊作有注鋪位作壅遏不通日幽注窮損不凌也高誘

有喪今皆從正義動祭亂常日幽注易神之班克威

捷行日魏注有威而敏行克威惠禮日魏注雖威不逆禮

也去禮遠眾日煬注不率禮不親長注長字好內遠禮日

煬注朋淫于家不奉禮好內怠政日煬注好內多淫外則

荒政舊本去禮遠眾條下即接此注脫去兩條注好內作

內好正義少好內怠政一條今案此注為好內怠政

正釋其為本有可知左氏定元年正義正甄心動懼日頃

引此條前編亦有之但少好內遠禮一條

注甄積也案前有敏以敬慎日頃正義本與此條

武日圍**注**圍禦也能禦亂患也

注克盡無恩惠也

使作空圍案正義前編行見中外日愨

注言表裏如一也

勝敵壯志日勇**注**不撓折

注正義勝敵志強日莊與莊諡五

昭功盜民日商**注**明有功者也狀古述今日譽

注立言之

稱舊作言直心能制義日度

注制事得宜

好和不爭日安**注**失在少斷

注正義作生

正而復終始一也

注前編外

戮無辜日厲**注**賊良善人官人應實日知

注能官人也

應實凶年無穀日穰

注不務稼穡

穰明矣師古注引好樂怠政日穰則與前荒之謚相同

義此穰字亦作荒文昭案美謚中有豐年好樂日康此穰

之惡謚正與相反古者三年耕必有一年之食上苟勤于

民事則緩急自當有備歲亦不能為之災穰之為言虛也

注以不務稼穡為言可謂深得制謚之旨師古所引或誤

記耳若云後人屨入則穰虛也又明見下文人固有紛紛

亂典籍者于理不應謬誤至此至正義

不爽言相應也不悔前過日戾

注知而不改溫良好樂日

良**注**言其行可好可樂也

注正義作言其人舊本

日醜**注**肆意行威德正應和日莫

注正其德應其和

所論九德之一正義在類

謚前正合舊誤脫去今補

勤施無私日類**注**無私惟義所

在舊作勤政前編同正義作施勤今從左氏案此兩條及

復下美謚當本在前不與惡謚雜廁今皆紛亂難以攷而

矣好變動民日躁**注**數移徙也慈和徧服日順

皆服其慈和滿志多窮日感

注自足者必不足也

慮果遠日趕**注**自任多近于專

注舊本果作深前編同云趕

息政外交日攜**注**不自明而恃外也

注正義脫此條舊本攜

斷改正獨疏遠繼位日紹注非其次第偶得之也彰義掩

過日堅注明義以蓋前過肇敏行成日直注始疾行成言

不深也內外賓服日正注言以正服之華言無實日夸注

恢誕注疑有脫字教誨不倦日長注以道教之也愛民在刑日

克注道之以政齊之以刑嗇于賜與日愛注言貪悛也逆

天虐民日抗注所尊天而逆天注抗舊譎煬案煬諡在前已

正義注作背尊好廉自克日節注自勝其情欲也注勝其舊

大而逆之似譎注非克訓擇善而從日比注比方善而從之好更改舊日易

變故改常名與實爽日繆注言明美而實傷思厚不爽

日愿注不差所思而得也注正義作思慮不爽日厚前編貞

心大度日匡注心正而用察少注舊作心正而隱哀之方景

武之方也注舊脫方景武之方五字今從前注施為文也注施

德除為武也注除惡注正義作施德為文除惡為武如此可

允所辟地為襄服遠為桓注服舊作視剛克為發柔克為懿

履正為莊有過為僖注允引剛克為代注施而不成為宣惠無

內德為平注無內德惠不成也注兩為字舊作日又平作獻

舊有治而無背為平亂而不損為靈由義而濟注又此下

為景三句案皆見前係重出正義亦有後二句注失志無轉

則以其明餘皆象也注以其所為諡象其事行也注前編云

轉一作失忘無傳案正義無失志以下八字注和會也勤勞

也遵循也爽傷也肇始也又治也康安也怙恃也享祀也

胡大也服敗也注疑是伏也秉順也注秉舊作康案康安也已見前

就會也憲過也錫與也典常也肆放也穰虛也畷聖也惠

愛也綏安也堅長也耆彊也考成也周至也懷思也式法

也布施也注此三字舊注敏疾也捷克也載事也彌久也注自和

以下廣訓篇內字義非盡諡也此篇及史記正義皆為後

人所殺亂前編所載其去俗本亦無幾矣正義云以前周

書謚法周代君王並取作謚故全寫一篇以傳後學

據此則正義所錄實出周書今故取以訂謚補缺云

明堂解第五十五

大維商紂暴虐脯鬼侯以享諸侯天下患之四海兆民欣戴文武是以周公相武王以伐紂夷定天下既克紂六年而武王崩成王嗣幼弱未能踐天子之位周公攝政君天下弭亂六年而天下大治乃會方國諸侯于宗周大朝諸侯明堂之位天子之位負斧扆南面立率公卿士侍于左右三公之位中階之前北面東上諸侯之位阼階之東西面北上諸伯之位西階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上四塞九采之國世告至者應門之外北面東上宗周明堂之位也明堂明諸侯之尊卑也故周公建焉而朝諸侯于明

堂之位制禮作樂頒度量而天下大服萬國各致其方昨七年致政於成王致政本或作致位

明堂方百一十二尺高四尺階廣六尺三寸室居中方百尺室中方六十尺戶高八尺廣四尺東應門南庫門西皋門北雉門東方曰青陽南方曰明堂西方曰總章北方曰彖堂中央曰太廟左為左介右為右介御覽五百三十三引周書明堂云云實此之闕文今取以繫于後自戶高八尺廣四尺以上亦見隋書宇文愷傳避諱中作內廣作博陳云徐鉉謂介不見義無以下筆明堂左右介當作介蓋本此

嘗麥解第五十六

維四年孟夏王初祈禱于宗廟乃嘗麥于太祖御覽八百三十八引曰王初祈禱于岱宗乃嘗麥于廟汲郡古文謂成王四年正月初朝于廟夏四月初嘗麥是月王命大正正刑書爽明僕告既駕少祝導王亞祝迎王降階即假于太宗少宗少祕于社各牡羊一牡豕三惠半農云太宗少宗即太宗伯

少宗伯也少祕疑即小史史導王于北階王陟階在東序

梁曜北云太宗顧命有之乃命太史尚大正即居于戶西南向九州口伯咸進在中

西向宰乃承王中升自客階作筴執筴從中宰坐尊中于

大正之前太祝以王命作筴筴告太宗王命口口祕作筴

許諾乃北向繇書于兩楹之間舊作內楹之門從沈改王若曰宗揜

大正昔天之初口作二后乃設建典命赤帝分正二卿命

蚩尤于宇少昊路史云命蚩尤宇于小顛以臨四方司口口上天未成

之慶蚩尤乃逐帝爭于涿鹿之河九隅無遺河或當作阿梁處素云據

史記五帝記注涿鹿山名阪泉地名一名黃帝泉至涿鹿與涿水合蓋所謂涿鹿之河河字似不誤赤帝大

懾乃說于黃帝執蚩尤殺之于中冀以甲兵釋怒用大正

順天思序紀于大帝舊校疑是太常用名之曰絕轡之野乃命少

昊清司馬鳥師以正五帝之官故名曰質天用大成至于

今不亂清少昊名也見張衡集路史引此亦作清舊作請謫成本或作戒其在殷之五子

忘伯禹之命假國無正用胥興作亂遂凶厥國皇天哀禹

賜以彭壽思正夏略殷當作夏汲郡古文帝啟十一年放

西河叛彭伯壽帥師征西河武觀來歸沈約曰武觀以

即五觀國語曰啟有五觀韋昭曰啟子太康昆弟也小子聞有古遺訓予亦述朕文考之言不易予用皇威不

忘祇天之明典令口我大治用我九宗正州伯教告于我

相在大國有殷之口辟自其作口于古是威厥邑無類于

冀州嘉我小國小國其命余克長國王趙云國王疑倒嗚呼敬之

哉如木既顛厥巢其猶有枝葉作休爾弗敬恤爾執以屏

助予一人集天之顯亦爾子孫其能常憂恤乃事勿畏多

寵無愛乃噐亦無或刑于鰥寡非罪惠乃其常無別于民

眾臣咸興受大正書乃降太史筴刑書九篇以升授大正

乃左還自兩柱之間左沈疑右口箴大正曰欽之哉諸正敬功

爾頌審三節無思民因順爾臨獄無頗正刑有掇夫循乃

德式監不遠以有此人保寧爾國克戒爾服世世是其不
殆維公咸若太史乃降大正坐舉書乃中降再拜稽首王
命太史正升拜于上王則退是月士師乃命太宗序于天
時祠大暑乃命少宗祠風雨百享士師用受其馘以爲之
資邑乃命百姓遂享于富無思民疾供百享歸祭閭率里
君以爲之資野宰乃命家邑縣都祠于太祠乃風雨也宰
用受其職馘以爲之資采君乃命天御豐穡享祠爲施大
夫以爲資箴太史乃藏之于盟府以爲歲典

本典解第五十七

維四月既生魄王在東宮舊此下有召公二字衍告周公曰嗚呼朕
聞武考不知乃問不得乃學俾資不肖永無惑矣今朕不
知明德所則政教所行字民之道禮樂所生非不念而知
故問伯父周公再拜稽首曰臣聞之文考能求士□者智

也與民利者仁也能收民獄者義也能督民過者德也爲
民犯難者武也智能親智仁能親仁義能親義德能親德
武能親武五者昌于國曰明明能見物高能致物物備咸
至曰帝帝鄉在地曰本本生萬物曰世世可則曰日至至
德照天百姓□驚備有好醜民無不戒顯父登德德降則
信信則民寧爲畏爲極民無淫慝生民知常利之道則國
彊序明好醜□必固其務均分以利之則民安□用以資
之則民樂明德以師之則民讓生之樂之則母之禮也政
之教之遂以成之則父之禮也父母之禮以加于民其慈
□□古之聖王樂體其政士有九等皆得其宜曰材多人
有八政皆得其則曰禮服士樂其生而務其宜是故奏鼓
以章樂奏舞以觀禮奏歌以觀和禮樂旣和其上乃不危
王拜曰允哉幼愚敬守以爲本典

逸周書卷六終

順德龍鳳鑣校棐

逸周書卷七

晉孔晁注

官人解第五十八

官人解第五十八

王會解第五十九

王曰嗚呼大師朕維民務官論用有徵觀誠考言視聲觀

色觀隱揆德可得聞乎案此篇亦見大戴禮名文王官人通篇皆文王之言與此不同論大戴作倫字本通用大戴云倫有七屬屬有九用用有六徵一曰觀誠二曰考志三曰視中四曰觀色五曰觀隱六曰揆德盧辯注云倫理次也周公曰亦有六徵嗚呼乃齊以揆之大戴云王曰於乎女罔方一曰富貴者觀其有禮施貧賤者觀其有德守

嬖寵者觀其不驕奢隱約者觀其不懼懼其少者觀其恭敬好學而能悌其壯者觀其廉潔務行而勝私其老者觀其思慎彊其不足而不踰觀其思大戴作觀其意憲下作慎強其所不足而不踰也周書舊本作慎而口彊其所不定者觀其不踰字多譌今從大戴訂正父子之間觀其孝慈

兄弟之間觀其和友

舊脫觀其孝慈兄弟之間八字今從大戴增

君臣之間觀

其忠惠鄉黨之間觀其信誠

大戴作信憚盧注云信而敬憚

省其居處觀

其義方

舊作方口今從大戴

省其喪哀觀其貞良省其出入觀其交

友省其交友觀其任廉

盧注云任以恩相親信

設之以謀以觀其智

大戴云考之以觀其信孚之以觀其知

示之以難以觀其勇煩之以事以觀

其治臨之以利以觀其不貪濫之以樂以觀其不荒

大戴臨作怒

淹濫作藍不荒作不濫盧注云藍猶濫也

不喜之以觀其輕怒之以觀其重

大戴怒作不

從大戴補之酒以觀其恭從之色以觀其常

大戴恭作不從之

復

之遠之以觀其不二昵之以觀其不狎

大戴不狎作不狎

復

微其言以觀其精

大戴作探取其志又大戴此下有考其陰陽以觀其誠

此之謂觀誠

覆其微言以觀其信兩句

曲省其行以觀其備

此下大戴多一成字

二曰方與之言以觀其志

殷以淵其氣寬以柔

舊志字不重殷

作口大戴作志殷如深注雖以深為深字竊疑必淵之譌也舊本下句作其器寬以悌今從大戴改

其色儉

而不詔其禮先人其言後人見其所不足曰日益者也

臨人以色高人以氣賢人以言防其所不足發其所能曰

日損者也

兩日字從大戴增又大戴發作伐惠云古字通

其貌直而不止其言正

而不私

大戴不私作不侮

不飾其美不隱其惡不防其過曰有質

者也其貌曲媚其言工巧飾其見物務其小證以故自說

曰無質者也

大戴曲媚作固嘔證作徵

喜怒以物而色不變

彼不變

煩亂以事而志不營深導以利而心不移

臨懼以

威而氣不卑曰平心而固守者也

喜怒以物而心變易煩

亂以事而志不治

大戴作裕

導之以利而心遷移

臨懼以威而

氣慄懼曰鄙心而假氣者也

李善注東都賦引慄懼作悚悚

設之以物而

數決敬之以卒而度應不文而辯曰有慮者也

大戴數作邀與速同

難決以物難

敬當為傲卒倉卒也大戴作驚之以卒而度

難決以物難

說以守一而不可變困而不知止曰愚依人也

大戴作難

投以物難

說以守一而不可變困而不知止曰愚依人也

大戴作難

投以物難

說以守一而不可變困而不知止曰愚依人也

大戴作難

投以物難

說以守一而不可變困而不知止曰愚依人也

大戴作難

投以物難

說以守一而不可變困而不知止曰愚依人也

大戴作難

投以物難

說以守一而不可變困而不知止曰愚依人也

說以言知一如不可以解也困而不知其止無辨而自慎
日愚憊者也案此亦當補言字以守一屬下句困舊譌因
今據改依讀營之以物而不誤犯之以卒而不懼置義而
當為菱蔽也

不可遷臨之貨色而不過日果敢者也大戴不誤作不虞
盧注云虞度也不

過作不可營營猶亂也末移易以言志不能固已諾無決
句作日絜廉而果敢者也

日弱志者也移易當從大戴倒
轉易音以政反順予之弗為喜非奪之弗

為怒沈靜而寡言多稽而險貌日質靜者也大戴險作
儉古通用屏

言而弗顧自順而弗讓上句舊脫而字大戴云辨言而不
固今據補又讓舊譌護亦據大戴

改非是而彊之日妬誣者也舊作始誣譌今大戴作始妬
誣蓋本是妬誣故盧注云謂

一始字于妬字旁遂致衍耳今改正微而能發察而能

深寬順而恭儉溫柔而能斷果敢而能屈日志治者也大戴
作徵清而能發度察而能

盡日治志者也少三句華廢而誣巧言令色皆以無為

有者也此之謂考言大戴無廢字○案詩廢為殘賊王肅
云廢大也張湛注列子楊朱篇同此

亦當作大解令色下大戴衍足恭一也四字又言作志三日誠在其中必見諸外以

其聲處其實大戴實作氣
此下亦作氣氣初生物大戴作初氣主
物今本從周書物生

有聲聲有剛柔清濁好惡咸發于聲心氣華誕者其聲流

散心氣順信者其聲順節心氣鄙戾者其聲醒醜醒字誤
大戴作

斯盧注云嘶
當聲誤為斯心氣寬柔者其聲溫和大戴作
溫好信氣中易義

氣時舒和氣簡備勇氣壯力大戴和作
智力作直聽其聲處其氣考

其所為觀其所由大戴有察其
所安一句以其前觀其後以其隱觀

其顯以其小占其大此之謂視聲大戴觀皆作占中間一
句作以其見占其隱又

視聲作
視中四日民有五氣喜怒哀懼憂大戴作
五性喜氣內蓄雖

欲隱之陽喜必見怒氣內蓄雖欲隱之陽怒必見欲氣懼

氣憂悲之氣皆隱之陽氣必見五氣誠于中發形于外民

情不可隱也喜色猶然以出怒色薦然以侮欲色嫗然以

愉懼色薄然以下憂悲之色瞿然以靜大戴猶作由盧注
云當為油又出作

生薦作拂愉作偷惠
云愉偷通又瞿作纍誠智必有難盡之色誠仁必有可尊

之色誠勇必有難懼之色誠忠必有可新之色舊本作誠勇必有可

新之色脫八字據大戴補誠潔必有難汗之色誠靜必有

大戴新作親案新親通可信之色質浩然固以安偽蔓然亂以煩雖欲改之中色

弗聽此之謂觀色舊本靜字作方圍今據大戴補質字偽

作故盧注云言雖欲故隱五日民生則有陰有陽人多隱

之干中而無柰色見于外其情節其偽以攻其名大戴此句上有有隱于仁賢者戴

賢作質有隱于智理者有隱于文藝者有隱于廉勇者有

下同隱于忠孝者此句舊脫有隱于交友者如此不可不察也

據大戴補小施而好德與得同大戴小讓而爭大大戴作而言願以

為質願當與愿同盧注偽愛以為忠偽舊作空圍據大戴

而貌慈假節尊其得以改其名大戴注云故為是行如

以示之二句此隱于仁賢者也前總唱功一本作切案大戴無此四字

功少其所不足十六字惡慮誠弗及佯為不言內誠不足

一作恃與此文義皆難曉

色示有餘此下大戴有故自順而不讓措辭而不遂此下

有莫知其此隱于智理者也動人以言竭而弗終大戴作

情一句終不問則不對佯為不窮口貌而有餘大戴作色假道而自

順因之口初窮則託深物窮則為深如此者隱于文藝者

也口言以為廉大戴作廉矯厲以為勇內恐外誇亟稱其

說大戴作內恐外悼敬再其說王懷祖謂敬再乃苟再之

憚為憚非敬亦亟之譌形相近亟欺冀反以詐臨人如此

苟已力反此亟不讀為急則苟字非也隱于廉勇者也自事其親而好以告人

大戴又有乞言勞句飾其見物此下大戴又有故得不誠于內發名以事親

其大名揚于外二句自以名私其身大戴作伐名以事其親戚以故取利分白

其大名以私其身案發與伐同此作發大戴多作如此隱于忠孝者也比周以相譽此句上大戴有陰

伐字知賢可徵而左右不同而交交必重己心說而身弗近

身近而實不至懼不盡見于眾而貌克己字身近字舊皆

補又而實不至下有而懼忠不盡 如此隱于交友者也此
一句又此懼不二字亦作懼忠 據大戴補 六日言行不類終始相悖 此下大戴
之謂觀隱者字舊脫 易一 外內不合雖有假節見行日非成質者也 隱成作誠
言忠行夷爭靡及私口弗求及情忠而寬貌莊而安日有
仁者也 大戴云其言甚忠其行甚平其志無私施不事變
在多靜而寡類莊而安人日有仁心者也 而能治效窮而能達 此句上大戴有物善而措身立方而
能遂日有知者也 大戴有知少言以行恭儉以讓有知而
言弗發有施而口弗德 施而不置置與德同 日謙良者
也微忽之言久而可復幽閒之行獨而弗克 脫據大戴增
其行亡如存 大戴作行其 日順信者也貴富恭儉而能施
嚴威有禮而不驕日有德者也隱約而不懼安樂而不奢
勤勞而不變喜怒而有度日有守者也直方而不毀廉潔
而不戾彊立而無私日有經者也 大戴有經 虛以待命 大戴

作正靜以待命 舊本待作侍譌 不召不至不問不言言不過行行不過道
日沈靜者也忠愛以事親驩以盡力而不回敬以盡力而
不口日忠孝者也 大戴作歡欣以敬之盡力而不而敬以
作歡以敬之盡力而不回敬以安之案回與固皆面之譌
即上文所云面于敬愛是也缺處疑是名字亦見上文
合志而同方共其憂而任其難行忠信而不疑口隱遠而
不舍日交友者也 大戴 志色辭氣其人甚偷進退多巧
就人甚數 案此處脫落甚多大戴云心色辭氣其入人甚
甚易日位志者也飲食以親貨賄以交接利以合故得望
譽征利而依隱于物日貧鄙者也又下段首有質不鬻一
句辭不至少其所不足謀而巳日偽詐者也言行亟變
從容克易好惡無常行身不篤日無誠者也 大戴克易作
不類又無誠 少知而不大決少能而不大成規小物而不
知大倫日華誕者也 大戴少俱作小又規作顧倫作論古
規諫而不類道行而不平日竊名者也故日事阻者不夷

時口者不回大戴作崎面譽者不忠舊作果敢者也飾貌

者不靜假節者不平多私者不義揚言者寡信此之謂揆

德靜大戴作情古通用表記文而靜鄭云靜或為情又案

云王曰太師女推其往言以揆其來行聽其來言以省往

行觀其陽以考其陰察其內以揆其外是故隱節者可知

偽飾無情者可辨質誠居善者可得忠惠守義者可見也

王曰於乎敬哉女何慎乎非心何慎乎非人人有六徵六

徵既成以觀九用九用既立一日取平仁而有慮者二日

取慈惠而有理者三日取直愍而忠正者四日取順直而

察聽者五日取臨事而絜正者六日取慎察而絜廉者七

日取好謀而知務者八日取接給而廣中者九日取猛毅

而度斷者此之謂九用也平仁而有慮者使是治國家而

長百姓慈惠而有理者使是長鄉邑而治父子直愍而忠

正者使是莅百官而察善否慎直而察聽者使是長民之

獄訟出納辭令臨事而絜正者使是守內藏而治出入慎

察而絜廉者使是分財臨貨主賞賜好謀而知務者使是

治壤地而長百工接給而廣中者使是治諸侯而待賓客

猛毅而度斷者使是治軍事為邊境因方而用之此之謂

官能也九用有徵乃任七屬一日國則任貴二日鄉則任

貞三日官則任長四日學則任師五日族則任宗六日家

則任主七日先則任賢正月王親命七屬之人日於乎慎

維深內觀民務本慎在人女平心去私慎用六證論辨九

用以交一人子亦不私女廢朕命亂我法罪致不赦三戒

然後及論王親受

而考之然後論成

王會解第五十九

成周之會墀上張赤帟陰羽注王城既成大會諸侯及四

夷也除地曰墀帟帳也陰鶴也以羽飾帳也天子南面立

纒無繁露朝服八十物搢珽注繁露冕之所垂也所尊敬

則有焉八十物大小所服搢插也珽笏也王伯厚本唐叔

荀叔周公在左太公望在右皆纒亦無繁露朝服七十物

搢笏天子而立于堂上注唐荀國名皆周成王弟故曰

叔荀謂差在後也近天子故其冕亦無旒也堂下之右唐

公虞公南面立焉注唐虞二公堯舜後也堂下之左殷公

夏公立焉皆南面纒有繁露朝服五十物皆搢笏注杞宋

二公冕有繁露搢笏則唐虞同也為諸侯之有疾病者趙

此文有之阼階之南祝淮氏榮氏次之珪瓚次之皆西面

此處疑衍

彌宗旁之

注

淮榮二祝之氏也彌宗官名次珪瓚南差在

後惠云大戴公符有祝雍此淮字與相似文昭案雍為名王本旁之作之為諸侯有疾病者之醫藥所居**注**使儲左

右召則至也相者太史魚大行人皆朝服有繁露**注**魚太

史名及大行人皆讚相賓客禮儀也堂下之東面郭叔掌

為天子綦幣焉纒有繁露**注**郭叔號叔文王弟綦錄諸侯

之幣也內臺西面正北方應侯曹叔伯舅中舅**注**內臺中

臺也應侯成王弟曹叔武王弟皆國名為諸侯二舅成王

之舅姜兄弟也內臺西面下俗間本有者字注脫曹比服

次之要服次之荒服次之西方東面正北方伯父中子次

之**注**此要服于比服轉遠故殊其名非夷狄之四荒也伯

父姬姓之國中子于王子中行者也王云中子王之支子

包叔父中子則仲文昭案舉伯父可以方千里之內為比服方二千里之內為

要服方三千里之內為荒服是皆朝于內者**注**此服名因

于殷非周制也俗間本首句內作外又二堂後東北為赤

帟焉浴盆在其中**注**雖不用而設之敬諸侯也其西天子

車立馬乘六青陰羽鳧旌**注**鶴鳧羽為旌旌也中臺之外

其右泰士臺右彌士**注**外謂臺之東西也外臺右泰士右

彌士言尊王泰彌相儀之士也右泰士之右或疑左謝云

則在臺之前下云臺右側旁臺而立者上右字不必疑是

皮兼陳也四方各繚壁珍十二注珍珠也有鋒銳陳之四

所方列之也外臺之四隅張赤帟為諸侯欲息者皆息焉

命之日爻閭注每角張帟息者隨所近也諸侯稱爻也文正

四隅下王本有每隅二字注周公旦主東方所之青馬黑

舊脫帟字今增未句未詳

擬謂之母兒注周公主東方則太公主西方東青馬則西

白馬矣馬名未聞注王日擬其守營牆者衣青操弓執矛

載也方各異案此東方也故衣青操弓執矛餘方則各異

別也舊作各異方為王本注西面者正北方稷慎大塵注稷

慎肅慎也貢塵似鹿正北內臺北也穢人前兒前兒若彌

猴立行聲似小兒注穢韓穢東夷別種良夷在子在子口

身人首脂其腹炙之霍則鳴日在子注良夷樂浪之夷也

貢奇獸注王本作幣亦云疑揚州禺禺魚名解諭冠注亦

奇魚也注王云說文鱈魚名皮有文出樂浪東曉神爵四年

初捕收輸考工周成王時揚州獻鱈魚容切舊本

諭冠作諭寇王本及路發人鹿鹿者若鹿迅走注發亦東

夷迅疾注發北發也兩鹿字從史記索隱舊本俞人雖馬注

俞東北夷雖馬嵩如馬一角不角者日騏注騏爾雅青巨狐

九尾注青上海東地名周頭輝注輝輝者羊也注周頭亦

海東夷注黑齒白鹿白馬注黑齒西遠之夷也貢白鹿

白馬白民乘黃乘黃者似騏背有兩角注白民亦東南夷

郭璞注山海經李善注東越海金注東越則海際金文金注

蛤字李善注文選作注歐人蟬蛇蟬蛇順食之美注東越歐

人也比交州蛇特多為上珍也注王本歐作注同注所云

字又少特多於越納注於越越也注舊本正文句首有姑字

也三字皆非注於越越也注因下而衍王云納謂納

貢舊本脫注王本有之謝云於越納當注姊妹珍注姊妹國

連下文其姊妹且甌共海陽皆地名注姊妹珍注姊妹國

後屬越注姊妹從未亡結反且甌文屋注且甌在越文屋大金

也注文字王其人系貝注其人吳越之蠻系貝班貽貝也

海陽大蟹注海水之陽一蟹盈車自深桂注自深亦南蠻

也謝云自深會稽以鞮皆面嚮注其皮可以冠鼓自大塵

已下至此向西面也鞮即正北方義渠以茲白茲白者若

白馬鋸牙食虎豹注亦在臺北與大塵相對義渠西戎國

茲白一名駁央林以酉耳酉耳者身若虎豹尾長參其身

食虎豹注央林戎之在西南者央林一作英林王云書大

獸曰虞所說與此略同於陵英林音相近文昭案郭璞注

海內北經引此作夾林酉耳酉耳若虎尾參于身食虎豹

夾字恐誤北唐以閭閻似兪冠注北唐戎之在西北者射禮以

閭象為射器北唐下有戎字衍郭渠叟以鼫犬鼫犬者露

犬也能飛食虎豹注渠叟西戎之別名也案廣韻鼫比教

之屬正此是也說文鼫胡地風犬王本從李善注文選作

樓煩以星施星施者珥旄注樓煩北狄地施所以為旄羽

珥李善注甘泉賦流星旄以電燭引樓煩星旄星旄者羽

卜盧以紈牛紈牛者牛之小者也注卜盧盧人西北戎也

今盧水是紈字舊脫初學記有之又見李善注或誤作紈

然角貌區陽以鼈封鼈封者若彘前後有首區陽亦

戎之名舊本鼈封不重今從規規以麟麟者仁獸也注規

規亦戎也麟似鹿牛尾一角馬蹄也舊規規譌規矩又脫

本西申以鳳鳥鳳鳥者戴仁抱義掖信注其形似雞蛇首

魚尾戴仁向仁國抱義懷有義掖信歸有信也舊本掖信

似雞三字注作歸有德之君也亦衍誤今皆從王本氏羌以

鸞鳥注氏羌地羌不同故謂之氏羌今謂之氏矣鸞大于

鳳亦歸于仁義者也氏舊作互易與互混故改從今巴人

以比翼鳥注巴人在南者比翼鳥不比不飛其名曰鸞鶴

王本脫方煬以皇鳥方煬亦戎別名皇鳥配于鳳者也

日字方煬一蜀人以文翰文翰者若皋雞注鳥有文彩者皋雞

作方煬蜀人以文翰文翰者若皋雞鳥有文彩者皋雞

似鳧冀州謂之澤特也王云皋方人以孔鳥注方人亦戎

別名孔與鸞相配者舊配卜人以丹沙注卜人西南之蠻

丹沙所出卜即糶也夷用闕木注夷東北夷也木生水巾

色黑而光其堅若鐵集韻闕茲康民以桴苡桴苡者其實

如李食之宜子注康亦西戎別名也食桴苡即有身王本

人洪本州靡費費其形人身反踵自笑笑則上唇翕其

目食人北方謂之吐嘍注州靡北狄也費費日梟羊好立

行如人被髮前足指長王云反踵一作枝踵都郭生生欺

羽生生若黃狗人面能言注都郭北狄生生獸名山海經

作鄭郭生生注奇榦善芳善芳者頭若雄雞佩之令人不昧

皆東嚮注奇榦亦北狄善芳鳥名不昧不忘也此東向列

次也郭注西山經引昧作昧莫禮北方臺正東高夷噉羊

噉羊者羊而四角注高夷東北夷高句驪獨鹿邱邱距虛

善走也注獨鹿西方之戎也邱邱獸似距虛負蟹而走也

此正文似本無距虛二字爾雅邱邱距虛是一獸今此下

獸則知邱邱距虛二字乃後人以所習聞妄增入耳且

于注中獸似下又增一鼠字則下距虛二字反贖矣故知

此不與爾雅及呂孤竹距虛注孤竹東北夷距虛野獸驢

騾之屬不令支彘注不令支皆東北夷獺白狐彘獺則

黑狐案漢志遼西郡有令支縣即其地也疑不字及不屠

何青熊注不屠何亦東北夷也東胡黃罷注東胡東北夷

山戎戎菽注山戎亦東北夷戎菽豆也其西般吾白虎

次西也般吾北狄近西也鄭志引王會白虎黑屠州黑

豹注屠州狄之別也王本也禹氏駒駮注禹氏西北戎夷

駒駮馬屬王作馬大夏茲白牛茲白牛野獸也牛形而象

齒注大夏西北戎茲白牛野獸似白牛形舊本正文止大

下十一字誤入注中惠據洪本增犬戎文馬文馬赤鬣編

入正文與初學記正同今從之

身目若黃金名古黃之乘注犬戎西戎之遠者文馬說文作焉古黃

作吉皇海內北經注引作吉黃此從舊本作古黃與初學記所引亦合數楚每牛每牛者牛

之小者也注數楚亦北戎也西山經黃山有獸如牛而蒼黑大目其名曰犛郭音敏畢

云廣韻音切同美與此每牛正合匈奴狡犬狡犬者巨身四足果皆北嚮

斥鹵權扶玉目注權扶南蠻也玉目玉之有光明者形小

也白州比閩比閩者其華若羽伐其木以為車終行不敗

注白州東南蠻與白民接也水中可居曰州州中出此珍

木禽人管注亦東南蠻管草堅忍忍讀為勒路人大竹注路人

東南蠻貢大竹長沙鼈注特大而美故貢也其西魚復鼓

鐘鐘牛注次西列也魚復南蠻國貢鼓及鐘而似牛形者

美遠致也王云鐘牛未詳蠻揚之翟注揚州之蠻貢翟鳥倉吾翡翠

翠翡翠者所以取羽注倉吾亦蠻也翠羽其色青而有黃

也其餘皆可自自古之政注餘謂眾諸侯貢物也言政化

之所致也南人至眾皆北嚮注南人南越至眾王本作致眾者

伊尹朝獻商書注不周書錄中以事類來附此十字本孔文而以王注言別有此書也注商書下以王湯問伊尹曰

會俱朝貢事故令附合注此十字下失之矣

諸侯來獻或無馬牛之所生而獻遠方之物事實相反不

利注非其所有而當遠求于民故不利也王本馬牛倒注于民作其民

今吾欲因其地勢所有獻之必易得而不貴其為四方獻

令注制其品服之令王本無必字下不字作必似謫伊尹受命於是為四

方令曰臣請正東符婁仇州伊慮漚深九夷十蠻越漚鬻

髮文身注九十者東夷蠻越之別稱鬻髮文身因其事以

名也王本無于請令以魚皮之鞞口鰓之醬鮫厥利劍為

獻注鞞刀削劍魚名厥盾也以鮫皮作之鮫文魚也魚皮舊作

魚支今從洪本王本口疑是鳥正南甌鄧桂國損子產里百濮九菑注六

者南蠻之別名王云里一作重請令以珠璣瑋瑁象齒文犀翠羽

菌鶴短狗為獻注璣似珠而小菌鶴可用為旌翳短狗狗

之善者也短狗王本作短狗蓋因注云狗之善者故以為

短狗西籛東鑠之貢而已哉當作短耳考唐幽州昭仁寺碑有云豈止菌鶴

正用此文則作短狗為是正西昆侖狗國鬼親枳已闕

耳貫胸雕題離巨漆齒注九者西戎之別名也闕耳貫骨

雕題漆齒亦因其事以名之也後漢書注引狗國作狗骨

作離身又引離巨作雕巨李善注

染齒請令以丹青白旄紕罽江歷龍角神龜為獻注江

歷珠名龍解角故得也後漢書西南夷傳并馳夷其人能

天纂文曰紕氏罽也作筆疑章懷注引此文又引何承

音卑疑反筆即紕也正北空同大夏莎車姑他旦略豹胡

代翟匈奴樓煩月氏熾犁其龍東胡注十三者北狄之別

名也代翟在西北界戎狄之間國名也王云代一作戎請令以橐


駝白玉野馬駒駘駘良弓為獻湯日善案博物志引周

布昆吾氏獻切玉刀書西域獻火浣

亦當在此篇中今缺

逸周書卷第七終

順德龍鳳鏤校棊



逸周書卷第八

晉 孔 晁 注

祭公解第六十

史記解第六十一

職方解第六十二

祭公解第六十

王若曰祖祭公

注

祭公周公之後昭穆于穆王在祖列次

予小子虔虔在位

注

虔敬昊天疾威予多時溥愆

注

溥大

也言昊天疾威于我故多是過失我間祖不豫有加予維

敬省不弔天降疾病予畏天威公其告予懿德

注

弔至也

言己道不至故天下病王畏守不美懿美也

注

天威舊諷之威從趙改注

守不美

疑諷 祭公拜手稽首日天子

注

拜手頭至手稽首頭俯

地謀父疾維不瘳朕身尙在茲朕魂在于天

注

謀父祭公

名我魂在於天言必死也

梁云朕魂在于天昭王之所九字當連作一句讀注似非是

昭王之所勛宅天命注言雖魂在天猶明王之所勉君天

下之事也王曰嗚呼公朕皇祖文王烈祖武王度下國作

陳周維皇皇上帝度其心寘之明德注下國謂諸侯也天

度其心所能寘明德于其身也付俾于四方用應受天命

敷文在下注付與四方受命于天而敷其文德在下土也

沈云俾我亦維有若文祖周公暨列祖召公茲申予小子

當作畀追學于文武之蔑注言已追學文武之微德此由周召分

治之化也微德釋度字義舊作微德譌用克龕紹成康之業以將天命

用夷居之大商之眾注將行夷平也言大商本其初也我

亦維有若祖祭公之執和周國保乂王家注執謂執其政

也王曰公稱不顯之德以予小子揚文武大勳弘成康昭

考之烈注稱謂舉行也昭考昭王穆王之父也王曰公無

困我哉俾百僚乃心率輔弼予一人注言公當使百官相

率和輔弼我不然則困我祭公拜手稽首曰允乃詔畢桓

于黎民般注般樂也言信如王告盡治民樂政也乃汝汝

王也公曰天子謀父疾維不瘳敢告天子皇天改大殷之

命維文王受之維武王大剋之咸茂厥功注茂美也文王

以受命為美武王以剋殷為美故曰咸也維天貞文王之

董用威亦尚寬壯厥心康受乂之式用休注貞正也董之

用威伐崇黎也既剋之而安受治之其治用美也董舊作

卜本亦先王茂綏厥心敬恭承之維武王申大命戡厥敵

改注言武王申文王受命之意而勝殷也公曰天子自三公

上下辟于文武文武之子孫大開方封于下土注辟法也

言我上法文武方大開國彜布于下土天之所錫武王時

疆土不維周之基不維后稷之受命是永宅之注錫與言

天子武王是疆所受是大維周之開基大維后稷所受命

是長居此也其不維三字舊空圍從趙補維我後嗣

之始并注旁建宗子立為諸侯言皆始并天子之故也惠

于夏商之既敗不則無遺後難至于萬億年守序終之注

言當以夏商為戒大無後難之道守其序而終也既畢不

乃有利宗不為文王由之注既終之則有利于宗皆由文

武之德也公曰嗚呼天子我不則寅哉寅哉注寅敬也不

則言則也汝無以戾反罪疾喪時二王大功注戾反罪疾

謂己所行時是二王文武汝無以戾御固莊后注嬖御寵

妾也莊正也禮記緇衣引此及下二句作葉公之汝無以

小謀敗大作注小謀謂不法先王也大作大事也汝無以

嬖御士疾大夫卿士注言無親小人疾君子緇衣大夫卿

字二汝無以家相亂王室而莫恤其外注言陪臣執國命恤

憂也外謂王室之外也尚皆以時中人萬國注言當盡用

是中道治天下也嗚呼三公汝念哉汝無泯泯芬芬厚顏

忍醜時維大不弔哉注戒三公使念我與王也泯芬亂也

忍行亂則厚顏忍醜也如是則大不善之也芬芬與呂

在先王我亦維不我以辟險于難不失于正我亦以免沒

我世注先王穆王父祭公所事也辟君也言我事先王遇

大難正而不失故能以善沒世言善終維不疑亦是不維

險難注穆王父舊脫王字今增嗚呼三公予維不起朕疾汝其皇敬哉茲

皆保之注皇大也言當式敬我言如此則天下皆安之日

康子之依保助教誨之世祀無絕不我周有常刑注康安

也子之所宜安以善道勉教之則子孫有福不然則犯常

刑也王拜手稽首注王拜受祭公之黨言也王拜則

三公拜可知也黨讜古字通荀子非相篇博而黨正注

謂直言也又見張平子及劉寬碑

史記解第六十一

維正月王在成周昧爽召三公左史戎夫注王是穆王也

戎夫左史名也左舊謗在案竹書紀年穆王二十四年命左史戎夫作記則當作左古今人表作右

史曰今夕朕寤遂事驚予注遂成也行成事言驚夢宿欲

知之也遂事下御覽有其字乃取遂事之要戒俾戎夫主之朔望以

聞注集取要戒之言月朔望日于王前讀之主舊作言今從御覽朔望

之稱蓋始于此禮記云朔月月半亦指朔望也注月朔望日舊作月已日聖謗

信不行義不立則哲士凌君政注言君不行信義信義由智正故哲士凌君

之政也禁而生亂皮氏以亡注禁義信則亂生皮氏古諸

侯也紀年云帝不降三十五年殷滅皮氏諂諛日近方正日遠則邪人專國

政注好順人意為諂諛禁而生亂華氏以亡注華氏亦古

諸侯也好貨財珍怪則邪人進邪人進則賢良日蔽而遠

注賢良不行貨故蔽遠賞罰無位隨財而行夏后氏以亡

注桀由好財亡也嚴兵而不口者其臣懼其臣懼則不敢

忠不敢忠則民不親其吏注不敢忠乃不仁下效其上故

不親刑始于親遠者寒心殷商以亡注紂以暴虐亡也樂

專于君者權專于臣權專於臣則刑專于民注君荒于樂

則權臣專斷用刑濫矣君娛于樂臣爭于權民盡于刑有

虞氏以亡注專則致爭而刑殺之盡被刑也有虞商均之

後奉孤以專命者謀主必畏其威而疑其前事注謀主謂

孤長大也前事謂專命挾德而責數日疏位均而爭平林

以亡注挾其見奉之德而責其前專命事此與周公反矣

位均勢敵注均舊作于大臣有錮職誅者危昔者質沙

三卿朝而無禮君怒而久拘之譁而弗加注錮職謂事專

權也元本注無事字譁卿謀變質沙以亡注有三卿諸侯可知也

譁卿下本外內相間下撓其民民無所附三苗以亡弱小

在疆大之間存亡將由之則無天命矣不知命者死注疆無

天命命在疆大者也知命則存不知命則足以亡矣注疆大舊

作疆壯謗有夏之方興也扈氏弱而不恭身死國亡注有夏啟

也戰于甘滅扈也嬖子兩重者亡昔者義渠氏有兩子異

母皆重注王不別長庶寵秩同也君疾大臣分黨而爭義

渠以亡注各有所事而爭立也紀年云武乙三十年周師

爭立舊作功大不賞者危昔平州之臣功大而不賞注諂臣

日貴功臣日怒而生變平州之君以走出注有功不賞而

貴注諂臣有德不官而任姦佞宜其出走也之臣功臣舊兩

而朝之注林氏諸侯至而不禮留而弗親離戎逃而去之

林氏誅之天下叛林氏注天下見其遇戎不以禮遂叛林

氏林氏孤危也昔者曲集之君伐智而專事疆力而不信

其臣忠良皆伏注伐智自足也伏謂不為之用不信舊作

從卜愉州氏伐之君孤而無使曲集以亡注曲集愉州皆

古諸侯博物志作愉州氏之君孤而無使曲昔者有巢氏

有亂臣而貴任之以國假之以權擅國而主斷注委之政

也君已而奪之臣怒而生變有巢以亡注秉政則專生殺

則多恐雖君奪其政懼禍見及故作亂也怒依注當斧小

不勝柯者亡昔有郇君嗇儉滅爵損祿羣臣卑讓上下不

臨注柯所以秉喻君斧所以用喻臣臣無爵祿君所任不

臨言不相承奉也注君所任後口小弱禁罰不行重氏伐

之郇君以亡注兩弱不能行令紀年云帝高辛十六年帝

會久空重位者危昔有其工自賢自以無臣久空大官注

言無任已臣者故空官也下官交亂民無所附唐氏伐之

其工以亡注無大臣故小臣亂也君凶于上臣亂于下民

無所依堯遂流之犯難爭權疑者死昔有林氏上衡氏爭

權注爭為犯難不果為疑林氏再戰而勝上衡氏偽義弗

克俱身死國亡注林氏恃勝上衡氏怠義所以俱亡舊作

弗勝舊作知能均而不親竝重事君者危昔有南氏有二臣貴

寵力鈞勢敵競進爭權下爭朋黨君弗能禁南氏以分注

二臣勢鈞而不親權重養徒黨所以分國也有南之國水

南郡競舊諷竟脫能字水經注昔有果氏好以新易故故

者疾怨新故不和注有果亦國名也內爭朋黨陰事外權

有果氏以亡注外權謂外大國爵重祿輕比口不成者亡

昔有畢程氏損祿增爵羣臣貌匱比而戾民畢程氏以亡

注有位無祿取名自成民不堪求比而罪之好變故易常

者亡昔陽氏之君自伐而好變事無故業官無定位民運

于下陽氏以亡注運亂移也業形而愎者危昔穀平之君

愎類無親破國弗剋業形用國注愎恨類戾也國不勝破

以刑為業也形刑通趙云外內相援穀平以亡武不止者

亡昔阪泉氏用兵無已誅戰不休竝兼無親文無所立智

士寒心注無親謂竝兼之也無文德故智士寒心也惠云

氏蓋蚩尤也趙徙居至于獨鹿諸侯畔之阪泉以亡注獨

疑是炎帝之後鹿西戎地名徙都失處故亡也案嘗麥解云蚩尤逐赤帝

帝執蚩尤殺之獨鹿恨而無親者亡昔者縣宗之君恨而

無聽注不納忠言執事不從宗職者疑發大事羣臣解體

注皆有違心國無立功縣宗以亡昔者各都賢鬼道廢人

事天注求禱神也各都氏見紀年帝舜四十二年來謀臣

不用龜策是從神巫用國哲士在外各都以亡注棄賢任

巫所以亡也文武不行者亡昔者西夏性仁非兵注性仁

而無文德非兵而無武備城郭不脩武士無位惠而好賞

屈而無以賞

注

無功盡賞無財可用

注無財舊倒

唐氏伐之城

郭不守武士不用西夏以亡

注

唐氏堯帝美女破國昔者

績陽疆力四征重丘遺之美女

注

重丘之君畏其並己惑

之以女績陽之君悅之熒惑不治大臣爭權遠近不相聽

國分爲二

注

君昏于上權分于下所爲二也宮室破國昔

者有洛氏宮室無常池園廣大工功日進以後更前民不

得休農失其時

注

工功進則民困矣以工取官賢材退矣

饑饉無食成商伐之有洛以亡

注

湯號曰成故曰成商

商舊作成湯譌

職方解第六十二

職方氏掌天下之圖辯其邦國都鄙四夷八蠻七閩九貉

五戎六狄之人民

注

此在周官大司馬下篇穆王使有司

鈔出之欲時省焉國曰都邑曰鄙東方曰夷南方曰蠻西

方曰戎北方曰狄閩蠻之別貉狄之別八七九五六見非

一之言也

注舊多譌脫今案文義補正四夷其大名也故不言四

與其財用九穀六

畜之數

周官數下

周知其利害乃辯九州之國使同貫利

注貫事東南曰揚州其山鎮曰會稽其澤藪曰具區其川

三江其浸五湖其利金錫竹箭其民二男五女其畜宜雞

狗鳥獸其穀宜稻

注

竹箭篠也九州土氣生民男女各不

同鳥獸山澤所育之屬也

周官無雞狗此亦後人妄增也注竹字衍

正南曰荆

州其山鎮曰衡山其澤藪曰雲夢其川江漢其浸潁湛其

利丹銀齒革其民一男二女其畜宜鳥獸其穀宜稻河南

曰豫州其山鎮曰華山其澤藪曰圃田其川滎雒其浸陂

澆

注華山西岳熒即滎也春秋傳戰于熒澤亦作滎陂當從周官作波讀爲播

其利林漆

絲枲其民二男三女其畜宜六擾其穀宜五種

注

家所畜

曰擾五種謂黍稷菽麥稻也

菽本誤作穀今依周官注改正

正東曰青州

其山鎮曰沂山其澤藪曰望諸其川淮泗其浸沂流其利蒲魚其民二男三女其畜宜雞犬其穀宜稻麥周官犬河

東曰兗州其山鎮曰岱山其澤藪曰大野其川河洙其浸盧維其利蒲魚其民二男三女其畜宜六擾其穀宜四種

注四種黍稷稻麥正西曰雍州其山鎮曰嶽山其澤藪曰疆蒲其川涇汭其浸渭洛其利玉石其民三男二女其畜

宜牛馬其穀宜黍稷**注**嶽吳嶽也疆蒲周官作弦蒲涇汭本皆作涇納今從周官

改東北曰幽州其山鎮曰醫無閭其澤藪曰豳養其川河洙其浸菑時其利魚鹽其民一男三女其畜宜四擾其穀

宜三種**注**四擾牛馬羊豕三種黍稷稻也河內曰冀州其山鎮曰霍山其澤藪曰揚紆其川漳其浸汾露其利松柏

其民五男三女其畜宜牛羊其穀宜黍稷**注**所謂河內者揚紆周官作揚紆爾雅作埒露周官作潞梁云呂氏春秋不屆篇士民罷潞注潞言輒也與左氏昭元年傳以露其

體訓同是露潞古亦通用也三女本作二女今依周官改注似有脫譌者疑當作郡正北曰并州其山鎮曰恆山其澤藪曰昭餘祁其川虘池嘔夷其浸涑易

其利布帛其民二男三女其畜宜五擾其穀宜五種**注**五擾牛馬羊豕犬五種黍稷菽麥麻周官注麻作稻乃辯九服之國

方千里曰王圻**注**圻界也圻與畿同其外方五百里為侯服**注**為王者斥候也服言服王事也注舊脫上服字又其外王作正今皆補正

方五百里為甸服**注**甸田也治田入穀也注入上舊有又字衍又其外方五百里為男服**注**男任也任王事又其外方五百里

為采服舊脫此句今依周官補采又其外方五百里為衛服**注**為王扞衛也又其外方五百里為蠻服**注**用事差簡

慢又其外方五百里為夷服舊又脫此句亦依周官補又其外方五百里為鎮服**注**者言鎮守之**注**又其外方五百里為藩服**注**藩服屏四境也凡國公侯伯子男案周官云凡邦

國千里封公以方五百里則四公方四百里則六侯方三百里則七伯方二百里則二十五子方百里則百男此節去以周知天下凡邦國大小相維王設其牧注周徧維持也牧謂牧御天下之政教制其職各以其所能注連率牧監各任能也制其貢各以其所有注土地所有乃貢之王將巡狩則戒于四方曰各脩平乃守考乃職事無敢不敬戒國有大刑注考成也不敬則犯大刑也職方所口注未是注脫一注及王者之所行道率其屬而巡戒命王殷國亦如之注王十二歲一巡狩職方自所戒之命其不巡狩之年六服盡朝謂之殷國也巡戒命亦如巡狩也注周官作及王之屬而巡戒合注舊脫之年二字及戒字又誤複朝字今增刪

逸周書卷第八終

順德龍鳳鑣校栞

逸周書卷第九

晉孔晁注

芮良夫解第六十三 太子晉解第六十四

王佩解第六十五 殷祝解第六十六

周祝解第六十七

芮良夫解第六十三

芮伯若曰予小臣良夫稽道謀告注伯爵若順也順其事

而告之也天子惟民父母致厥道無遠不服無道左右臣妾乃違注無道無德政違畔也注舊本脫天字今補注注畔也俗間本作展也注民歸

于德德則民戴否則民讎茲言允效于前不遠注言驗于

前世不遠言近商紂不道夏桀之虐肆我有家注舉桀紂

惡滅亡為戒也嗚呼惟爾天子嗣文武業惟爾執政小子

同先王之臣昏行口顧道王不若注同為昏闇言教王為

不順專利作威佐亂進禍民將弗堪注專利侵民作亂進于禍也治亂信乎其行惟王暨爾執政小子攸聞注行善則治行惡則亂皆所聞知古人求多聞以監戒不聞是惟弗知注言古人患不聞故有所不知也后除民害不惟民害民乃非后惟其讎注害民是與民為怨讎與本一作與后作類后弗類民不知后惟其怨注言民不從上命從其所行類善也不知君則怨深矣民至億兆后一而已寡不敵眾后其危哉注言上下無義對其相怨則寡者危也嗚呼□□□如之注□□人養食之則擾服雖家畜不養則畏人治民亦然也注言首有朕文或是人禽獸舊本不空非今爾執政小子惟以貪諛為事不勤德以備難注專利為貪曲從為諛下民胥怨財力單竭手足靡措弗堪戴上不其亂而注言民相與怨上上加之罪民不堪命而作亂力字舊脫以予小臣良夫

觀天下有土之君注有土謂之諸侯也之字疑衍厥德不遠罔

有代德注言無遠德罔有天下也時為王之患其惟國人

注是國人為患也言今諸侯無有若湯武者故患嗚呼惟

爾執政朋友小子其惟洗爾心改爾行克憂往愆以保爾

居注洗心改行憂往過則安爾之居位爾乃贖禍翫裁遂

弗峻余未知王之所定矧乃□□注贖陽不聞翫心不惕

峻改矧況也尚不知王定況貪諛之臣能得其所也疑處

小子惟禍發于人之攸忽于人之攸輕口不存焉變之攸

伏注言人所輕忽則禍之所起謂下民也爾執政小子不

圖善偷生苟安爵以賄成注苟且無遠慮賄賂不任德賢

智箝口小人鼓舌逃害要利竝得厥求唯曰哀哉注賢者

靖默以逃害小人佞諂以要利各得其求君子為之哀者

也我聞曰以言取人人飾其言以行取人人竭其行飾言

無庸竭行有成注君子不以言舉人無功故也欲行有成
故也惟爾小子飾言事王寔蕃有徒王貌受之終弗獲用
面相誣蒙及爾顛覆注蕃多徒眾言非一也貌謂外相悅
而無實也君臣之相誣蒙必相及其顛覆之也注之也疑
爾自謂有餘予謂爾弗足敬思以德備乃禍難注言其不
足于道義也以用也乃汝也難至而悔悔將安及無日子
為惟爾之禍注為不言也

太子晉解第六十四注謝云此篇誕而陋與諸篇絕不
類孔氏為注之甚矣其無識也

晉平公使叔譽于周見太子晉而與之注叔譽者大夫

叔向也周靈王太子名晉也五稱而三窮逡巡而退其不

遂注五稱說五事遂終也注三窮舊作五窮案潛夫論引作

有言歸告公曰太子晉行年十五而臣弗能與注告平

公稱其賢才也君請歸聲就復與田若不反及有天下將

以為誅注聲就復與周之二邑名周衰晉取之也平公將

歸之師曠不可曰請使瞑臣往與之言若能懔予反而復

之注師曠晉大夫無目故稱瞑懔覆也度謀還與否也師

曠見太子稱曰吾聞王子之語高于泰山夜寢不寐晝居

不安不遠長道而求一言注言高于泰山言無上也不安

至飢渴也注御覽先下王子應之曰吾聞太師將來甚喜而

又懼吾年甚少見子而懼盡忘吾其度注懔而忘度所以

為謙師曠曰吾聞王于古之君子甚成不驕自晉始如周

行不知勞注有成德不以驕易也王子應之曰古之君子

其行至慎委積施關道路無限百姓悅之相將而遠遠人

來驩視道如咫注言已不及古君子咫喻近注委積舊作天

依惠師曠告善又稱曰古之君子其行可則由舜而下其

孰有廣德注問舜已下可法則之君子也王子應之曰如

舜者天舜居其所以利天下奉翼遠人皆得己仁此之謂

天注言其仁合天道如禹者聖勞而不居以利天下好取

不好與必度其正是謂之聖注盡力溝洫勞也貪財利篤

其功合聖道也謂之當如前如文王者其大道仁其小道

惠三分天下而有其二敬人無方服事于商既有其眾而

返失其身此之謂仁注以其仁德人惠懷之行無常唯賢

所在勞謙恭儉日夜不息返失之也趙云返當作反注如

武王者義殺一人而以利天下異姓同姓各得其所是之

謂儀注一人紂也儀善其所是三字師曠告善又稱曰宜

辨名命異姓惡方王侯君公何以爲尊何以爲上注問其

事儀王子應之曰人生而重丈夫謂之胄子胄子成人能

治上官謂之士士率眾時作謂之曰伯謂之士下本注

上或本伯能移善于眾與百姓同謂之公注作謂農功同

謂好義公能樹名生物與天道俱謂之侯侯能成羣謂之

君注立名生物謂化施于民也成謂成物羣謂之爲長也

舊脫生字又物與君有廣德分任諸侯而敦信曰予一人

倒今從御覽改正敦厚也善至于四海曰天子達于四荒曰天王注四海

四夷四荒四表四荒至莫有怨訾乃登爲帝注訾歎恨也

合五等之尊卑而論事義以爲之名者也師曠罄然又稱

曰溫恭敦敏方德不改聞物口口下學以起尙登帝臣乃

參天子自古誰注罄然自嚴整也方道初本也起其物義

也問最賢之人也自古誰下卜王子應之曰穆穆虞舜明

明赫赫立義治律萬物皆作分均天財萬物熙熙非舜而

誰能注律法也謂致其物也熙熙和盛言舜臣堯功德如

此也師曠東躅其足曰善哉善哉注東躅踏也王子曰太

師何舉足驟師曠曰天寒足踣是以數也注驟亦數也王

子戲問故曠戲答足陶舊作足陶案說文曰陶天寒足陶李登聲類曰偏舉一足曰陶今定作陶紀于求于二反王子曰請入坐遂敷席注瑟

師曠歌無射曰國誠盍矣遠人來觀脩義經矣好樂無荒注交言于堂故更入燕室坐歌此辭而音合於無射之律

乃注瑟于王子王子歌嶠曰何自南極至于北極絕境越國弗愁道遠注嶠曲名也師曠作新曲美王子也王子述

舊曲諫也師曠蹶然起曰瞑臣請歸注蹶然疾貌王子賜之乘車四馬曰太師亦善御之注禮為人子三賜不及車

馬此賜則自王然後行可知也師曠對曰御吾未之學也王子曰汝不為夫詩詩云馬之剛矣轡之柔矣馬亦不剛

轡亦不柔志氣庶庶取予不疑以是御之注馬不剛轡不柔言和擾也庶庶亦和擾也不疑和之心也志氣庶庶舊今依左氏襄廿六年正義改謝云因左傳有國子師曠對賦轡之柔矣乃足數語以飾之讀者勿為所欺

日瞑臣無見為人辯也唯耳之恃而耳又寡聞而易窮王子汝將為天下宗乎注辯別也為人所別唯恃耳也宗

尊也天下所尊則有明王者也注則有二王子曰太師何汝戲我乎自太皞以下至于堯舜禹未有一姓而再有天下者夫大當時而不伐天何可得注言自庖犧至禹其子

孫未有期運當時斯不立矣言周衰未盡已必不立也且吾聞汝知人年之長短告吾注問舊諷問今從章本下師曠對曰汝聲清汗汝色赤白火色不壽注清角也言音汗沈

木木生火色赤知聲者則色亦然王子曰然吾後三年將上賓于帝所汝慎無言殃將及汝注言死必為賓于天帝

之所鬼神之口口則王子之事不欲令人知之也然字將舊脫今從王符潛夫論增風俗通殃師曠歸未及三年告

死者至注未及三年并歸之年為三年則王子年十七而

知服齋叢書

五

通鑑書卷九

卒也風俗通此下有云孔子聞之曰惜夫殺吾君也潛夫論同

王佩解第六十五

王者所佩在德德在利民民在順上注言以利民為德也

天子事天所以威下使事上合為在因時應事則易成注

得時所為合應為其機謀成在周長有功在力多注周忠

信也力多則功多也昌大在自克不過在數懲注以義勝

欲得昌大數有懲艾則無過也次在字俗本譌往今從元

數不困在豫慎見禍在未形注事未成而豫慎則不困也

除害在能斷安民在知過用兵在知時注能斷所不思也

知過輒改民將安生時謂可伐時也勝大患在合人心注

舉合民心何患之有哉殃毒在信疑孽子在聽內化行在

知和注內聽于孽孽而吐于中言宜其生災也可否相濟

日和人注孽孽似孽子之誤趙云聽內似謂聽信婦施舍在

平心不幸在不聞其過注施謂施惠舍謂赦罪聖人以聞

已過為幸貴速改也福在受諫基在愛民固在親賢注受

諫則無非故福以愛民為基親賢人則固明君之義也禍

福在所密利害在所近存亡在所用注所與密所親近所

任用皆忠良則福利生反是則禍害至離合在出命漢書

僂傳引作安危在出命尊在慎威安在恭已危亡在不知時注教命

善則事合否則離矣威得其宜則尊恭已不妄則安時謂

天時得其時也見善而怠時至而疑亡正處邪是弗能居

此得失之方也不可注不察注怠懈墮不能行也疑由豫不

果也邪茲術也處茲術是不居大之道也乃是得失之道

注由與猶通卜本作也猶又大上當有正字

殷祝解第六十六

湯將放桀于中野注此事不然矣或者欲解之士民間湯

在野皆委貨扶老攜幼奔國中虛注言桀國中空無人又

不然矣謝云湯之放桀亦如舜之封象蓋湯雖放桀猶躬

中虛者中野之地虛也故湯復為明之而士民致于桀

請湯曰國所以為國者以有家家所以為家者以有人也

今國無家無人矣君有人請致國君之有也注此國為天

下也注為當湯曰否昔大帝作道明教士民今君王滅道

殘政士民惑矣吾為王明之注大帝謂禹明禹之事于士

民也士民復致于桀日以薄之居濟民之賤何必君更注

此士民僻也薄湯所居也言與君更與桀徙避湯桀與其

屬五百人南徙千里止于不齊民往奔湯于中野注不齊

地名正文不齊下疑當桀復請湯言君之有也言下亦當

湯曰否我為君王明之士民復重請之桀與其屬五百人

徙于魯魯士民復奔湯注魯亦地名桀又曰國君之有也

吾則外人有言彼以吾道是邪我將為之注言桀以此辭

勸勉湯者也湯曰此君王之士也君王之民也委之何湯

不能止桀注必欲去也湯曰欲從者從君桀與其屬五百

人去居南巢注南巢地名舊本正文去字下注居湯放桀

而復薄三千諸侯大會注大會于薄復薄李善注文湯退

再拜從諸侯之位湯曰此天子位有道者可以處之注讓

諸侯之有道者天下非一家之有也天下舊作天子今從趙改有道者

之有也故天下者唯有道者理之唯有道者紀之唯有道

者宜久處之注久處久居天子之位湯以此讓三千諸侯

莫敢即位然後湯即天子之位注三千諸侯勸之也與諸

侯誓曰陰勝陽即謂之變而天弗施注逆天道故不施雌

勝雄即謂之亂而人弗行注雌勝雄女陵男之異逆人道

故不行焉故諸侯之治政在諸侯之大夫治與從注言下

必順上所以教治也與從本一作于從

周祝解第六十七

曰維哉其時告汝口口道恐為身災注言所以告汝不間

道為身災也空圍二字俗本作不間非謹哉民乎朕則生汝朕則刑汝

注告以善道是生之是以教之以法也惠云刑一作朕則

經汝一本云案注似脫朕則亡汝朕則壽汝朕則名汝

經紀汝昌阜汝殺亡汝為汝請命名汝善惡也故曰文之

美而以身剝自謂智也者故不足注狐貉俱以文受害人

自賢則愚惡反見也角之美殺其牛榮華之言後有茅注

言牛以角死虛言致穢也凡彼濟者必不怠觀彼聖人必

趣時注以不怠故濟以趣時故聖潛夫論引云凡彼聖人必趨時石有玉

而傷其山萬民之患在口言注山以有玉故傷人以有言

受患時之行也勤以徙不知道者福為禍注不徙以及時

人故失其福也時之從也勤以行不知道者以福亡注行

謂與時偕行故曰肥豕必烹甘泉必竭直木必伐注以其

供人用自然理地出物而聖人是時雞鳴而人為時觀彼

萬物且何為求注萬物自然不為人來聖人則之如因雞

鳴以識時也是時卜本作趨時或疑當作是則舊本多脫物字卜本有故天有時人以

為正地出利而民是爭注正謂敬授民時也爭謂爭其斂

之也人出謀聖人是經陳五刑民乃敬注經經度之也敬

敬上命也教之以禮民不爭被之以刑民始聽因其能民

乃靜注有禮則讓故不爭聽順靜服謂不為亂也故狐有

牙而不敢以噬獠有蚤而不敢以擬注喻人以小能不敢

望大官亦求自盡而已也說文引作獠有爪蚤與爪同勢居小者不能

為大注雖有其材勢不便故特欲正中不貪其害凡勢道

者不可以不大注不貪害也中正不立不大其度至道不

因木以

行也故木之伐也而木為斧賊難之起自近者注伐木因近以成賊之起舊本作而起二人同術誰昭誰暝

二虎同穴誰死誰生注成者能昭猛者能生故虎之猛也

而陷于獲人之智也而陷于詐注虎以食陷宰人以欲陷

詐詐罔也獲舊作葉之美也解其柯柯之美也離其枝枝

之美也拔其本儼矢將至不可以無盾注此言飾末業覆

本質也盾喻為人當有所備護解其柯舊脫其字故澤有

獸而焚其草木大威將至不可為巧焚其草木則無種大

威將至不可以為勇注言亦貨以危身禍至不可救也注

亦疑倒故天之生也固有度國家之患離之以故注以言患

困事而起故事也離羅地之生也固有植國家之患離之

以謀注植立也有生則立也故時之還也無私貌日之出

也無私照注還謂至也貌謂無實時至竝應日出普照也

時之行也順至無逆為天下者用大略注言當以大略順

時也至字疑衍火之燁也固定上為天下者用收注燁然也火

日炎上收謂法也定疑走水之流也固走下不善故有桴

注桴所擊鼓也言惡政由于發者也陳云桴當故福之起

也惡別之禍之起也惡別之注惡于何也言其微也故平

國若之何須國覆國事國孤國屠皆若之何注覆滅也事

謂事無役也孤謂無人屠謂為人分裂也注無人屠謂人

倒故日之中也仄月之望也食威之失也陰食陽善為國

者使之有行注仄跌也食謂毀明而生魄也以日蔽于陰

喻君行失道是彼萬物必有常國君而無道以微亡注微

以積小以致滅亡者也故天為蓋地為軫善用道者終無

盡地為軫天為蓋善用道者終無害注言因道動靜法天

地言因卜本天地之間有滄熱善用道者終不竭注滄寒

地作善用

竭盡也惠云說文倉从久倉聲寒陳彼五行必有勝天之所

覆盡可稱注言五行相勝以生成萬物盡可稱名之也故

萬物之所生也性于從萬物之所反也性于同注從謂立

也始異終同故曰反也反舊作及今依注改注故惡姑幽

惡姑明惡姑陰陽惡姑短長惡姑剛柔注姑者且也言幽

明之相代陰陽之變易短長之相刑剛柔之相生始終之

道也故海之大也而魚何為可得山之深也虎豹豺獮何

為可服注言皆以貪餌自中鉤檻也人智之邃也奚為可

測跂動噉息而奚為可牧注誠于事故可測牽于事故可

牧玉石之堅也奚可刻注言服飾之窮物也陰陽之號也

孰使之牝牡之合也孰交之君子不察福不來注言陰陽

之稱號牝牡之交合皆自然也君子察自然之理則福來

也故忌而不得是生事故欲而不得是生詐注生事謂變

也生詐謂詐為求之欲伐而不得生斧柯欲鳥而不得生

網羅欲彼天下是生為注所以生成所欲也謂云為之事

也維彼幽心是生包維彼大心是生雄維彼忌心是生勝

注包謂包藏陰謀雄謂雄桀于人也勝謂勝所忌皆惡忌

事也注未一忌字疑衍故天為高地為下察汝躬奚為喜怒天為

古地為久察彼萬物名于始注言法天地則喜怒無錯推

古人則萬始可知也左名左右名右視彼萬物數為紀紀

之行也利而無方行而無止以觀人情注名以左右則物

以數為紀紀則生利利以利情也利有等維彼大道成而

弗改用彼大道知其極加諸事則萬物服注等差也大道

天道也極中也事業也用其則必有羣加諸物則為之君

注羣類舉其脩則有理加諸物則為天子注脩長也謂綱

例也

逸周書卷第九終

順德龍鳳鑣校棐

逸周書卷第十

武紀解第六十八

銓法解第六十九

器服解第七十

武紀解第六十八

幣帛之間有巧言令色事不成車甲之間有巧言令色事
 不捷克口事而有武色必失其德臨權而疑必離其災口
 口不捷智不可口口于不足并于不幾則始而施幾而弗
 免無功國有三守卑辭重幣以服之弱國之守也脩備以
 待戰敵國之守也循山川之險而固之僻國之守也伐服
 不祥伐戰危伐險難故善伐者不伐三守伐國有六時五
 動四順間其疏薄其疑推其危扶其弱乘其衰暴其約此
 謂六時扶之而不讓振之而不動數之而不服暴之而不
 革革威之而不恐未可伐也此謂五動立之害毀之利克

之易并之能以時伐之此謂四順立之不害毀之不利唯
克之易并之不能可伐也立之害毀之未利克之難并之
不能可動也靜以待眾力不與爭權弗果據德不肆國若
是而可毀也地荒而不振德衰而失與無苦而危矣求之
以其道□□無不得爲之以其事而時無不成有利備無
患事時至而不迎大祿乃遷延之不道行事乃困不作小
□動大殃謀有不足者三仁廢則文謀不足勇廢則武謀
不足備廢則事謀不足國有本有榦有權有倫質有樞體
土地本也人民榦也敵國侔交權也政教順成倫質也君
臣和□樞體也土地未削人民未散國權未傾倫質未移
雖有昏亂之君國未亡也國有幾失居之不可阻體之小
也不果鄰家難復飾也封疆侵凌難復振也服國從失難
復扶也大國之無養小國之畏事不可以本權失□家之

交不可以枉繩失鄰家之交不據直以約不虧體以陰不
可虞而奪也不可策而服也不可親而侵也不可摩而測
也不可求而循也施度于體不慮費事利于國不計勞失
德喪服于鄰家則不顧難矣交體侵凌則不顧權矣封疆
不時得其所無爲養民矣合同不得其位無畏患矣百姓
屈急無藏畜矣擠社稷失宗廟離墳墓困鬼神殘宗族無
爲愛死矣卑辭而不聽□財而無枝計戰而□足近告而
無顧告過而不悔請服而不得然後絕好于閉門循險近
說外援以天命無爲是定亡矣援舊作授從趙改蓋所
謂我生不有命在天凡
有事君民守社稷宗廟而先衰亡者皆失禮也大事不法
弗可作法而不時弗可行時而失禮弗可長得禮而無備
弗可成舉物不備而欲□大功于天下者未之有也勢不
求周流舉而不幾其成亡薄其事而求厚其功亡內無文

道外無武迹往不復來者有悔而求合者亡不難不費而致大功古今未有古今舊作故今譌從趙改據名而不辱應行而不困唯禮得之而無逆失之而無咎唯敬成事而不難序功而不費唯時勞而有成費而不亡唯當施而不拂成而有權久之而能口唯義不知所取之量不知所施之度不知動靜之時不知吉凶之事不知困達之謀惠云謀宋本作謀古通用疑此五者未可以動大事恃名不久恃功不立虛願不至妄為不祥太上敬而服其次欲而得其次奪而得其次爭而克其下動而上資其力凡建國君民內事文而和外事武而義其形慎而殺其政直而公本之以禮動之以時正之以度師之以法成之以仁此之道也

銓法解第六十九

有三不遠有三不近有三不畜敬謀祇德親同三不遠也

聽讒自亂聽諛自欺近惑自惡三不近也有如忠言竭親以為信有如同好以謀易寇有如同惡合計掬慮慮泄事敗是謂好害三不畜也掬當與播同

器服解第七十

明器因外有三疲二用器服數犢四楛禁豐一簾天韋獨食器甌迤膏候肩侯樂鈔碟參冠一竿皆素獨二九弁焚菜膾五昔纁裏桃枝素獨蒲篔席皆素斧獨巾帑纁綉編冠素紕帑冠組武卷組纓象口口瑱絺紳帶象玦朱極韋素一作數獨篔簹捍次車羔冒口純載枉綫喪勤焚纓一給器因名有三幾帑菌纁裏桃枝獨蒲席皆素布獨巾帑象帑純

周書序

昔在文王商紂竝立困于虐政將引道以弼無道作度訓

殷人作教民不知極將明道極以移其俗作命訓紂作淫
亂民散無性習常 舊作冒常譌案此六 文王惠和化服之
字中疑尚脫二字
 作常訓 惠和舊作意和譌案左氏傳云紂作 上失其道民
淫虐文王惠和正與此文同今改正
 散無紀西伯脩仁明恥示教作文酌上失其道民失其業
 □□凶年作糴匡文王立西距昆夷北備獫狁謀武以昭
 威懷作武稱武以禁暴文以綏德大聖允兼作允文武有
 七德□王作大武大明武小明武三篇 所脫疑不止一字
俗本作文王非
 穆王遭大荒謀救患分災作大匡 穆王當作文王豈穆考
亦可稱穆王與此下有
脫簡詩正義云周書稱文王 □□□□□□□□□□□□□□
在程作程寤程典當在此
 □□□□□□□□□□□□□□□□□□□□□□□□□□□□□□
 唯庶邦之多難論典以匡謬作劉法文王卿士諗發教禁
 戒作文開維美公命于文王脩身觀天以謀商難作保開
作舊 文王訓乎武王以繁害之戒作八繁文王在艷命周
為用

公謀商難作艷保文啟謀乎後嗣以脩身敬戒作大開小
 開二篇文王有疾告武王以民之多變作文儆文王告武
 王以序德之行作文傳文王既沒武王嗣位告周公禁五
 戎作柔武 戎舊譌戒 武王忌商周公勤天下作大小開武
二篇 作舊 武王評周公維道以為寶作寶典商謀啟平周
譌于
 周人將興師以承之作艷謀武王將起師伐商寤有商儆
 作寤儆周將伐商順天革命申喻武義以訓乎民作武順
 武穆二篇武王將行大事乎商郊乃明德□眾作和寤武
 寤二篇武王率六州之兵車三百五十乘以滅殷作剋殷
 武王既剋商 既舊 建三監以救其民為之訓範 此有 □□
既舊 譌作 □□□□□□□□□□□□□□□□□□□□□□□□□□□□□□
此有 □□□□□□□□□□□□□□□□□□□□□□□□□□□□□□
 □武王既釋箕子囚俾民辟寤之以王作箕子武王秉天
 下論德施□而□位以官作考德 篇內作 武王命商王之
者德

諸侯綏定厥邦申義告之作商誓武王平商維定保天室
規擬伊洛作度邑武王有疾此有脫簡□□□□□□□□
□命周公輔小子告以正要作五權武王既沒成王元年
周公忌商之孽訓敬命作成開周公既誅三監乃述武王
之志建都伊洛作洛周公會羣臣于閎門以輔主之格
言作皇門周公陳武王之言以贊己言戒乎成王作大戒
周公正三統之義作周月辯二十四氣之應以明天時作
時訓周公制十二月賦政之法作月令周公肇制文王之
謚義以垂于後作謚法前編肇作啟謚周公將致政成王朝諸侯
于明堂作明堂成王既即政因嘗麥以語羣臣而求助作
嘗麥周公為太師告成王以五則作本典五則疑當作五明成王
訪周公以民事周公陳六徵以觀察之作官人舊脫徵字于上以五
之下今周室既寧八方會同各以其職來獻欲垂法厥後
移此

作王會王伯厚本無其字又後作世周公云歿王制將衰穆王因祭祖
不豫詢某守位作祭公某當與謀同穆王思保位惟難恐貽世
羞欲自警悟作史記王化雖弛天命方永四夷八蠻攸尊
王政作職方芮伯稽古作訓納王于善暨執政小臣咸省
厥躬作芮良夫晉侯尙力侵我王略叔向間儲幼而果賢
□復王位作太王晉王者德以飾躬用為所佩作王佩王本或作玉者諺舊脫
作王佩三字今補夏多罪湯將放之徵前事以戒後王
也作殷祝趙云將字衍民非后罔乂后非民罔與為邦慎政在
微作周祝武以靖亂非直不剋作武紀積習生常不可不
慎作銓法車服制度明不苟踰作器服明本一作民周道于是
乎大備舊無是字趙案文義補

逸周書卷第十終
順德龍鳳鏤校栞

逸周書校正補遺

卷一

常訓解 上賢而不窮注窮謂不肖之人。案章本作肖各本俱作省

卷二

大武解 戰有六厲五衛六庠五虞。後獨闕六庠之目案鄴保篇有五祥六衛七厲此庠字與祥通

大明武解 俄傳器櫓。案俄傳似當作蛾傳音蟻附墨子書有備蛾傳篇

大匡解 以罰助均無使之窮。罰民有過者其穀幣仍以子民也無使之窮所謂其罰人也不傷財

程典解 乃作程典以命三忠。惠半農云三忠即三公文昭疑本或作三忠國策臣作忠古字也

卷三

文微解 倍本者稿。倍與背同魏甄后塘上行云倍恩者苦枯意亦本此

大開武解 動不時民不保。北堂書鈔三十引作民乃不保案下文句中皆有乃字此處亦當從書鈔補

豐謀解 由禱不德注曲為非義神不德之。正文由字疑本是曲字故注云然注為字疑當作謂

卷四

大聚解 立勤人以職孤注職同。同疑司字之誤職訓主司亦主也

卷五

度邑解 叔旦泣涕于常。古常與裳通或云于常異于常也又鍾伯敬本作十常豈亦與倍常之義同與

五權解 疑德無舉士。宋本元本此句無字作方圍後來本乃有無字

作雒解 故曰受列土于周室。初學記已作故曰列土于周室御覽因之耳

皇門解 其善臣以至于有分私子。此句上疑本有自字誤在上句注中前卷中即有似此者

維時及胥學于非夷注時有。案時當訓是觀注下文知有字為誤

大戒解 其位不尊其謀不陽。蓋言賢者不在尊位雖有善謀亦不能顯示于眾人而使人服從也注似不得其意

卷六

諡法解。案五經文字諡諡常利反上說文下字林字林

以諡爲笑聲音呼益反今用上字據此則行之迹正當作
諡字今說文不從益而從兮從皿以從益者爲笑兒今人
多從之此亦不能違俗也

卷八

史記解 注秉政則專生殺則多恐雖君奪其政懼禍見
及故作亂也。案專生殺三字當重下當云則多怨讎各
本作恐雖係字誤當改正

卷九

王子晉解 自晉始如周。始字疑衍
委積施關。元本章本俱作委積俗本作天下非
返失其身。似指囚于羑里
是之謂儀。上云如武王者義則儀當從舊本作義而注
乃云儀善故今從注作儀豈以古義與儀本可通用故邪

士率眾時作謂之曰伯。北堂書鈔四十六率眾作齊眾
非舜而誰能。能字疑衍誰字與上財熙韻協

注王子戲問故曠戲荅。章本曠上有師字

王佩解 注所與密所親近所任用皆忠良則福利生。
案所親近所字卜本作謂別本作皆竝誤今案正文改正
又任用俗本作利用亦非

周祝解 榮華之言後有茅。惠半農云茅讀作矛文昭
案注云致穢正釋茅字惠以矛與牛韻故讀從之非改字
也

觀彼萬物且何爲求注萬物自然不爲人來。案依注則
正文求字乃來之誤來與時爲韻上文是時亦不當作是
則又且字亦似誤衍

獬有蚤而不敢以擗。案蚤當作叉說文于獬字下雖引

作爪但爪爲覆手又爲手足甲似作又爲是
故澤有獸而焚其草木。案下文焚其草木似承此句但
此與下句巧字爲韻則木字衍也兩喻意各別正不妨多
一字少一字

注言因道動靜法天地。元本章本何本因皆作用

卷十

武紀解 幾而弗免。章本免作克

應行而不困。章本應作隱

周書序 武王評周公。評疑訊之誤

順德龍鳳鑣校琴

附錄

昭德晁公武讀書志

以此書入史部雜史類

汲冢周書十卷晉太康中汲郡與穆天子傳同得晉孔晁
注蓋孔子刪採之餘凡七十篇古者天子諸侯皆有史官
惟書法信實者行于世秦漢罷黜封建獨天子之史存然
史官或怯而阿世貪而曲筆虛美隱惡不足攷信則儒學
處士必私有記述以伸其志將來賴之以證史官之失其
弘益大矣以司馬遷之博聞猶採數家之言以成其書況
其下者乎亦有聞見單淺記錄失實胷臆偏私褒貶弗公
以誤後世者在觀者慎擇之而已矣

案周書不當繫以汲冢楊升菴已有辨

陳振孫直齋書錄解題

入經部書類

汲冢周書十卷晉五經博士孔晁注太康中汲郡發魏安
釐王冢所得竹簡書此其一也凡七十篇序一篇在其末

今京口刊本以序散在諸篇蓋以倣孔安國尚書相傳以爲孔子刪書所餘者未必然也文體與古書不類似戰國後人依倣爲之者

李巽巖逸周書攷

晉孔晁注周書十卷案隋唐經籍志藝文志皆稱此書得于晉太康中汲郡魏安釐王冢孔晁注解或稱十卷或八卷大抵不殊若此則晉以前初未有此也然劉向及班固所錄竝著周書七十一篇且謂孔子刪削之餘而司馬遷記武王克殷事蓋與此合豈西漢世已得入中祕其後稍隱學者不道及盜發冢乃幸復出邪篇目比漢但闕一耳必班劉司馬所見者也繫之汲冢失其本矣書多駁辭宜孔子所不取抑戰國處士私相綴緝託周爲名孔子亦未必見章句或脫爛難讀更須攷求別加是正云巽巖李壽

丁黼逸周書跋

夫子定書爲百篇矣孟子于武成取其二三策謂血流漂杵等語近于誇也今所謂汲冢周書者類多誇詡之辭且雜以詭譎之說此豈文武周公之事而孔孟之所取哉然其間畏天敬民尊賢尙德古先聖王之格言遺行尙多有之至于時訓明堂記禮者之所采錄克殷度邑司馬遷之所援據是蓋有不可盡廢者晉狼曠曰周志有之勇則害上不登于明堂其語今見之篇中此吾夫子未定之書也漢蕭何云周書曰天子不取返受其咎此則夫子既定之後而書無此語意者其在逸篇乎其後班固志藝文書凡九家有周書七十一篇劉向云周時詰誓號令蓋孔子所論百篇之餘也以兩漢諸人之所纂記推之則非始出于汲冢也明矣惜乎後世不復貴重文字日就舛譌予始得

送屏書院金
本于李巽巖家脫誤為甚繼得陳正卿本用相參校脩補
頗多其間數篇尚有不可句讀脫文衍字亦有不容強解
者姑且刻之俟求善本更加增削庶使流傳以為近古之
書云嘉定十五年夏四月十一日東徐丁黼謹識

